

MBEPO GWA BWANALOLI



...kwitika.

Unko uswe twimilile lululo itolo pa kabalilo lilino bo uswe tukwiputa. Unko uswe twinamisye i mitu gyitu.

² Gwitu umwikemo Tata Gwakumwaya, bo uswe tukusegelela kwa Ugwe lilino mu Ngamu yila inyikute-mosa iya Ntwa Yeso, uswe tukulonda ukukupu Ugwe ulutufyo panongwa ya iki Ugwe ubombile kwa uswe, iki a maso gitu gakêtile, kangu imbulukutu syitu sipîlike mmasiku gabumalikisyo aga gâkwigala ifyakuboneka ifya syambukûlu sya kisu iki, bo akabalilo kakusima ukubuka mwa Syepwa, kangu uswe tukukéta i Muli sikumwekuka, uswe tumenye ikyene kikaya patali lilino ukufikila ku Kwisa kwa Ntwa Yeso.

³ Uswe tukusuma Ugwe, Tâta Gwakumwanya, ukutukumbuka uswe ikilo iki. Kangu linga apene palipo ububibi bulibosa mwa uswe, sôsyangapo ikyene panja, Ntwa, ikilo iki, ukuti uswe tubagile ukuya batwaligwe kuli Ugwe linga Ugwe kwisaga ikilo iki. Uswe tukwiputula ababine na bapina.

⁴ Uswe tukwiputula i Kipanga Kyako, kosa kuno na panja, ukusyungutula i kisu, a bâna Bako kulikosa abâkikolo kilikyosa, ukuti uswe tubagile ukusuka imiselekesye gyitu mu Lilopa lya Kang'osi, kangu ukupilikisyla ukukolelea bula, "Kéta, u Nnyambala ikwisa. Sôkaga umwe panja ukwakwagana nu Mwene." Tuliya babagile uswe pa kabalilo kala, Ntwa, ni lipyana lya Kyala, kangu ni fyakubagilila fya Yeso Uyu uswe tukusubilamo, ukupyasya i nyâli syitu nukubuka nkyene akabalilo kala ukwakwagana nu Nnyambala. Egaga i Lisyu lya Ntwa ikilo iki kangu bûtaga i ndumbula syitu. Sôsyaga ubusitakwitika bôsa. Tupaga uswe ububombelo ubukulumba. Mu Ngamu ya Yeso uswe tukusuma ikyene. Amen.

Mulitugasya umwe.

⁵ Ikyene naloliloli kinunu ukugomokela kuno nkati mu... mbuyo bwikemo bwa Ntwa ubu, ikilo iki, mbubombelo. Uswe twâli na kabalilo ka lwimiko ukukinda amayolo agâmmayolo kula ku...Nkundwe Groomer. Kangu une ngukumbukila nkyinja uswe twâli na kabalilo akalwimiko.

⁶ Uswe tutalile twâli na kabalilo akakulumba, kulikosa. U Ntwa atusayile itolo uswe ukukindilila nubwingi, ukukindapo mumo une ninogonilêmo siku ukuti Umwene ikubombaga. Loli Umwene yo itolo fiyo îswîle ni kisa nu bôlolo. Ikyene itolo kinunu ukummanya Umwene. Bule ikyene? Kangu ukwinogona "Ukummanya Umwene, bo Bumi." Ukummanya Umwene, bo Bumi.

⁷ Lilino, kilabo nkilo, uswe tukuyaga ukusuluka kula ku Central Avenue Assembly, une ngusubila icyene kikukōleligwa. Nkundwe Fuller, unkundwe unnunu uyungi. Kangi une ngwinogona icyene kyo kipanga kinywamu kūsi kula. Kangi uswe tukusubila lumu ukuti uswe tubagile ukuya ni—ulukindi lwa lwiputo, linga icyene kili kanunu nu Nkundwe Fuller. Polelo uswe. . .

⁸ Kangi polelo, ulubunju ulwa—ulwa kilabo kyake, uswe tukulondigwa ukuya ku, une ngusubila, kukukōleligwa Apostolic Church kuno mu Phoenix. Kangi une ndikukumbukila mma itolo ywani yo ntimi, u nkundwe yula, āli. Ngimba une nāli kula nkyinja? [U nkundwe ikuyoba, “Umma. Ikyo kyo kipya, lipanga kya kiMexican, Nkundwe Branham.”—Nsimbi.]

⁹ Kangi polelo ikilo kya Ndungu ku kipanga kya gwitu umpala Nkundwe Outlaw pamwanya apa, ikya Jesus’ Name Church. Kangi une nukugūlila ukukulumba, kangi ikikolo kyangu, ukufika muno kangi ukupilika ukwimba u kununu.

¹⁰ Billy Paul abagisenie ukumanya icyene, ikiyabo kilikyosa, mu ndumbula. Uswe twakinile u lwimbo lula, *Une Ngubuka Mmwanya, Mmwanya*, mpaka, nukuya-gwabwanaloli ndumbula, i kindu kila kimalike, pa tepi. Umwene ikwandaga ku bōfesi, kangi akabalilo kalikosa akālisiku akabalilo kako une ngubuka kula, kali kyo kiliku, umwene ikukina kila, “Mmwanya, mmwanya, mmwanya.” Akene ko kindukimo! Uswe tukakinile akene tumalisisye, kangi i rekodi lili mosa kifuki ukumalika.

¹¹ Umwe mumenye, une nāli mu luko lumo nu bwīpilike ikilo iki, ukuti, une amasyu gālile panini, *Une ninogonaga*, “Mwe, linga une itolo nābagile ukumbona umunduyumo, ābagile ukunjobelako une,” kangi kwābonike ukukēta ukukilania apa nukumbona Jack Moore. Katikati itolo kutalusya. Une siku. . . O, une ngusubila ikyo kisakuyaga itolo kinunu, Nkundwe Jack. [Nkundwe Jack More ikuyobapo—Nsimbi.] Lilino pilikisya ku ikyo.

¹² Kangi une ngusubila une ngumbona Nkundwe Roy Borders itugesye panja apa, yōpe. Ena, nkulumba. Nkundwe Noel Jones itugesye ukukilania apa. O, mwe! Uswe tuli itolo mosa ukusyungutula, kulikosa. Une ngwinogona akene ko kabalilo akanunu, lumo, linga une mbagile ukutusya panandi, umwe mumenye, kangi ukuya na bamo mwa banyambala banunu aba ukwisa kumwanya kuno nukulumbilila mbuyo bwangu akabalilo kako une amasyu gālile, umwe mumenye. Nkundwe Jack āyobile, “U Ntwa akaya mbusetuli bula.” Ena, une nakatele akabalilo kako une nisaga. Kangi une—kangi une nāli nkatale panini, mosa mumo.

¹³ Kangi une ngubabona abandu bīmile pala, kangi mumo abene bikufimbilisigwa ukwima, kangi une mu luko lumo nhobwike ukuti ngwima na bene. Lilino, Ntwa abasaye umwe.

¹⁴ Kangi uswe tukugũlila lilino ku ngomano isi isingi isi sikwisa. Kangi polelo undungu gwakilabo ikylene ko kusulukila ku Pentecostal Assemblies, nukukindilila ukufyuka. Kangi uswe tukumalisya, ikilo kya Kitatu iki kikwisa, pa lukingi lwa 11 na Garfield. Une ngabagila ukukumbukila fyosa mu ntu. Kwa i, une ngusubila, i First Assemblies of God nkaya. Kangi—kangi polelo ulukomano ulukulumba lukwanda ku Ramada.

¹⁵ Kangi lilino kulipo u lusekelo lwa ba Business Men kula ku—ku kãya akalumba ka Arizona: Tucson.

¹⁶ Kangi ena, uswe twesa tumenye ukuti Phoenix na ma buyo aga, itolo amapalamani ga kãya kala. Kangi uko ko kutalusya. Bula bo buyo ubukulumba. Kala ko kukãya kwangu, umwe mumenye, polelo, kango polelo, pa mwanya pa kyamba. Kangi polelo iki, itolo, lo luko lwa kipalamani kya akene, fiki, ukwene ko kununu ukuya na umwe mwesaa ukuya bapalamani bitu, popãpo . . .

¹⁷ Une ngusubila ãli Nkundwe Rasmusson, ikilo kimo, ãyobile i kindukimo bo kila mu lukomano, kangi, o, mwe, ãli kifuki ukulãsulãnia u lukomano pakati. Une ngusubila uswe twãli ku—uswe twãli ku Houston. Kangi ãli Ramsar. Yula yo umwene yuyo ãli. Umwene ãyobile, ikilo iki u Gwandumi gwa Ntwa ãsulwike pasi, abene bãkomile i picha, kangi umwene alinkuti, “Mwesa umwe bandu muli apa ukufuma—ukufuma ku Dallas,” alinkuti, “uswe tumenye akene ko kaya-kanandi ka Houston.” Kangi, o, mwe! Texas ãkabagile ukukyãga iki, bo yũmwe bandu ba Arizona mubagile. Polelo kwalipo ukukiba ukunywamu mosa ndukomano.

¹⁸ Ena, Umwene yo gwamaka. Kangi lilino une ngwinogona uswe tukusyumbukilaga mu Lisimbo apa, kangi ukupa itolo u buketi bunini pa kabalilo. Ngimba kikabagila ikyo ukusanusya ikylene? Une itolo ngikomile ikylene fiyo ukusyungutila mpaka une nguya ni soni ukubakãta umwe. Kangi lumo ukubapa umwe ikiyabo ikinini kya ubutusyo, nukubapa umwe ubukãti bumo ubwa bununu bwa Ntwa gwitu.

¹⁹ Unko uswe tubwage u buyo mwa Mwikemo Yohani, untu gwa 16 ugwa Mwikemo Yohani. Kangi une numwagile 16:12. Une ngulonda ukubala ukufuma ku—ukufuma ku buyo bula mu Nongwainunu ya Mwikemo Yohani. Une ngulonda ukubala i Lisyu, panongwa yakuti i Lisyu lyo ili likupela uswe ukumanya ukuti ikylene kyo Bwanaloli. Ukwandila ni linandi lya 12, kangi pilikisya kifuki fiyo lilino, panongwa yakuti une ngulonda ukupa u buketi.

²⁰ Kangi polelo uswe tukugelaga ukwingilamo nukwandana panini. Une nãbakyungaga umwe fiyo nukukãbila. Kangi kilabo nkilo, fiki, uswe twikwitugasy u sinda-gwa-sala ukongelelapo. Kila kisakutendekaga ikylene ukuya ukufwana isala ya kwanda pamusi, bule iyene?

Polelo, polelo, kubwandilo, kangi yo bwandilo 12:

Une ngāli ndinafyo i findu fingi ifyakuyoba kwa umwe, loli umwe mukabagile ukupimba ifyene lilino.

Loli akabalilo kako umwene, u Mbepo gwa bwanaloli, isile, umwene isakubikisyaga umwe mu bwanaloli bosa: kabuno umwene atisakwiyobela mwene mma; loli kilikyosa iki umwene isakupilika, kila kyo iku umwene isakuyoba: kangi umwene isa kukunangisya umwe ifindu ifi fikwisaga.

Umwene isa lilino kundufyaga une: kabuno umwene isakwambililaga ukufuma kwa une, kangi isa kunangisya ikylene kwa umwe.

I findu fyosa . . . u Tāta alinafyo fyo fyangu: polelo njobile une, ukuti umwene isakwegaga ukufuma kwa une, kangi isa kunangisya ikylene kwa umwe.

²¹ Umwe mumenye, mmayolo namayolo, fiyofiyo, uswe twāli na kyakwegelela ikya ikyo. Lilino, uswe ukuya bandu ba Full Gospel, tukwitika mu bubombelo bosa bwa Mbepo Mwikemo. Kangi lilino, iyo njila yēne iyi uswe tubagile ukuya ba Full Gospel, ko kwitika Inongwainunu inyisule, fyosa ifi u Ntwa asimbile. Kangi une ngwitika ukuti uswe twe, twibene, twe nakimo. Uswe twe itolo bo . . .

²² Bo mumo une nātobile kwa Nkundwe Carl, mmayolo, nguketa ku mpiki, une ndinkuti, “Ngimba ugu kaya mpiki ummogi ugwa mikomo? Loli, pópe, kikayapo nakimo ku kyene loli ikibugutila kya lito lya butēke bwa kisu. Kile kyo kyosa iki ikylene kile.” Kangi une nāyobile, “Mumo ikylene kiyilile ukukindana lilino ukufuma ku mpiki gwa bulugamu. Ena, ngimba u mpiki gwa bulugamo kyo fiki? I lito kya butēke bwa kisu, nu bumi itolo mu kyene.” Knagi une ndinkuti, “Ukumalisya syosa, une ne fiki kangi ugwe gwe fiki? I lito lya butēke bwa kisu, uko ko katikati, ukufuma ku kisa; ulufumbi lwa kisu, nu būmi mwa ikylene.”

²³ Loli u bumi bulibosa bubyaligwe nu fundi mpa-Būmi, kangi Umwene amenye itolo bulebule na fiki ikyakubomba. Kangi kilikyosa iki Umwene alibiikile apa ku kisu kya pasi ku lwimiko Lwake. Indondwa syo sya lwimiko Lwake. Imibele gyo gya lwimiko Lwake. Ubulenge bo bwa lwimiko Lwake. Kangu uswe twe bufwale-ngiga bwa lwimiko Lwake.

²⁴ Loli ukwene kukuboneka ukuya ukuti kilikyosa kikumpilikila Umwene loli yu mundu. Mundu itolo ukuboneka ukuti . . . Umwene ali nu luko lwa kabalilo, panongwa yakuti umwene āli kyo kindu kyene iki kyāgwile. Kilikyosa ikingi kyāsyeye nkayilo akāpakwanda. Loli u mundu āgwile. Polelo, Kyala ali nako ukulwana nu mwene, ukummwega umwene ukubomba iki kyo kitalusye, kangi ukumpilikila.

²⁵ Kangi yimoyene mwa ndamyo ngulumba kwa Kyala, ukukinda mula mfyinja, mumo isyambukulu sya kipanga sikubukila, ko kummwaga u munduyumo uyu Umwene abagile nubumalikisyo ukwisa mu bulagila Bwake. Umwene ikulondigwa u nnyamba yumoywene. Umwene akabalilo kosa ābombile imbombo u nnyambala yumoywene pa kabalilo. Uswe twāfundile ikyo ikilo innandi isi sikindilepo: unnyambala yumo, koma ikibugutula. Umwene ikulonda itolo yumoywene. Ikyo kyo fyosa ifi Umwene ikulondigwa. Panongwa yakuti, abanyambala babili bikuyaga ni fundo sibili isyakukindana. Umwene itolo, polelo, ikupela u mundu yumoywene, ikwiyimilila Mwene ukwisila mu mundu yumoywene yula. Siku Umwene akabombamo ikylene munjila iyingi ukukinda yila. Muketile?

²⁶ Lilino, Umwene alinagwe u Mundu yumo umwisyugu, kangi u Mundu yula yo Yuyo uswe twabalagila isyake pabutasi: u Mbepo Mwikemo. Umwene yo Mundu uyu Kyala atumile panja, u Mbepo gwa Yeso Kristi nkisu, u Mbepo gwa Kyala, uku bonesya nu kubika pabwelu Kristi ukwisaila mu Kipanga Kyake, muketile, itolo ukukindilisyu u Bumi bwa Kristi ukwisila mu Kipanga.

²⁷ Lilino, ikylene kyo kindu ikiswigisye, kangi—kangi loli ikylene kyo kipepe fiyo, linga uswe itolo tukwimaga nu kwinogona. Uswe tukuguta, uswe tukutetema, uswe—uswe tukutula, uswe tukwisa mbusulumanie kangi nkwilamwa, itolo ukwinogona. “Ena, ngufimbilisigwa ukwīgūtīla nkati...?” Ikye kikaya ikyo mma. Ikyene kyo itolo ukwilambika, muketile, ukusyagania ukuti ugwe gwe nakimo, kangi itolo ukummwitikisya Umwene ukukunyaka ugwe gwesa, ukunyaka aminogono gako, ukunyaka.

²⁸ Lilino, une ndikusanusya ukubuka kula kwa Kristi na—na itolo a—a minogonelo ga bwasi mma. Une ndikusanusya ikyo mma. Ugwe kwisa kwa Umwene mu minogonelo amatalusyi, kangi mu—mu—mu mminogonelo agakwilambike, kangi ukwiyufya. Kangi polelo kuyoba, “Ntwa Yeso, une ndi apa. Lilino, ukwene kusimbigwe muno mo Lisyu Lyako, ukuti Ugwe ‘gwāli ni findu fingi fyāsyēle ukuyoba ku bafundigwa.’ Ugwe gwāyobile, ‘Abene bakābagile ukufipimba ifyene lilino.’” Knagi lumo iyo yo nongwa yitu umwisyugu, uswe tukabagila ukufipilikisya ifyene.

²⁹ Kyala abagile ukufyusya itolo akandu kamo akanini akakindane, kangi mosa-mosa uswe tukukakana akene. Mbuyo bwa kulondēsya mu Lisimbo ukuti tukéte linga akene katalusye pamo mma, uswe itolo nakalinga tukusopela akene panja, “Kikayako nakimo ku kyene.” Uswe tukulondigwa ukulondēsya i findu ifi, ukufyagania ukuti kali fitalusye pamo mma. Kangi kumbukilaga, linga ifyene fikaya fitalusye, ifyene kubumalikisyo fisakufwa, kabuno Yeso āyobile, “Ikibyaligwa

kilikyosa iki u Tāta Gwangu Gwakumwanya akabyala mma kisakunyukuligwaga.”

³⁰ Loli une ngwinogona umwene āli Gamalieli uyu ātendīke ubuyobelo ubukulumba bula akabalilo kala, “Linga ikylene kiyeye kya Kyala, uswe tutikulonda ukwagigwa tukulwana na ikylene. Kangi—kangi linga ikylene kikaya kya Kyala, ikylene kisakwisaga ku nakimo mu njila yiliyosa.” Polelo, funda ikylene kangi inogona ikya ikylene.

³¹ Kangi lilino, Umwene āyobile muno, “Loli akabalilo kako Umwene, u Mbepo Mwikemo, ikwisaga.”

³² Lilino, u munduyumo āyobile, akabalilo kamo aka kakindilepo, ikuyoba, alinkuti, “U Mbepo Mwikemo yo naloliloli minogonelo gako ga ntu. Ugwe kwinogona.” Ikyo kikumbikaga u Mbepo Mwikemo ukuya linogono.

³³ Loli i li Bangeli liyobile, “Akabalilo kako Umwene...” Kangi “Umwene” yo pulonauni ya ubwenenakyo. Muketile? Muketile? “Akabalilo kako Umwene,” u Mundu, Mbepo Mwikemo, Kyala, “ikwisa, Umwene isakusetulaga ifindu ifi kwa umwe, ifi une mbabulila umwe.”

³⁴ Polelo, umwe muketile, yikayapo i njila iyingi iyakumanyila iki u Bwanaloli buli. Kwene ukwisila... Ugwe ukabagila ukubwaga ubwene ukwisila mu lwiho, ukwisila ku bwendelemo bwa ku sukulu ya kipanga. Ugwe kubwagaga ubwene kwene kŭkwisila mwa Mbepo Mwikemo. Umwene yo Yuyo uyu atumigwe ukusetula Ubwene.

Lilino, polelo, Umwene kangi āyobile, “Kangi Umwene isakukunangisyaga umwe ifindu ifi fikwisaga.”

³⁵ Lilino, Abahiburi, untu gwa 1, alinkuti, “Kyala ntubalilo utukindanekindane mu njila ingindakindane alinkuyoba ku ba tāta ukwisila mbasololi, loli mu lisiku ilyabumalilo ili ukwisila mwa Mwanumdumyana Gwake, Yeso Kristi.” Muketile? Umwene yo Mbepo Mwikemo ikupoka ubwenenakyo, pamo ukwega ubwenenakyo bwa Kipanga, ukubombela Kristi mu Kipanga. Polelo, ugwe kuyaga bo Umwene āli. Umwene alinkuya bo ugwe gwāli, ukuti ugwe ubagīle ukuya bo Umwene āli. Muketile? Umwene āyaga ugwe, ukuti ugwe ubagile ukuya yu Mwene. Ikyo, ikylene kyo—ikylene kyo kukinda ubupilikisye. Yikayapo i njila ya kulīngania ikylene, kangi komma ukugela ikylene. Itikisya itolo ikylene. Umwene āyobile ikylene, kangi ikyo kikumasya ikylene. Yoba itolo ukuti ikylene kyo kitalusye, itika Ikyene.

³⁶ Lilino, ukuya Nkristi mwanike, une bwila nātendekega ubuyobelo ubu. Une nahobwike Kyala ālingamēte une bo i kipanga kikālingamēte. Kikafu ukumanya iki une angali ndili. Loli une—une ngupalisya panongwa ya bulongosi, kangi ubukole ubwakutalula ubu u Mbepo Mwikemo ābindikīsyē nabo pa bumi bwangu, bo une ngali ngābupelēmo ubwene siku. Kabuno, ukuya

ndumiana unnini, une nāménye kyali i Kindukimo. Umwene āyobaga, kangī une nāyobaga ku Mwene. Umwene āyobāga ukubogomokesya kwa une. Kangī une nālyandīle ukuketésya ukuti i findu ifi Umwene ālimbulile une, ukuya ndumiana unnini, ukuti ifyene fyālyandīle ukuboneka itolo katikati mumo Umwene āyobīle ifyene fikubombaga. Polelo une ndinkumanya ukuti ifyene fyābagisénie ukuya fyābwanaloli.

³⁷ Lilino, une ne nnyambala unkusi lilino. Kangī une—une ngabombamo na kabalilo kamo siku... Kangī mbagīle ukukōlela i kisu uku—ukwimba kimyemye, nukubalālusya abene. “Sosola u lobo pa kindu kimokyene iki Umwene ambulilemo une siku, mwa ISI SYO IKUTI U NTWA, mu Ngamu ya Ntwa, loli kikyō kyāli nubumalikisyo bwanaloli kangī fundo, kangī kyālisīle ukuboneka, ukufuma mu maelifu ukwandisya maelifu ga findu.” Kiliku kikubomba...

³⁸ Ngimba une nguyobela fiki ikyō? Muketile, une mbikile uswe twesa ukuya lufumbi lwa butéke bwa kisu. Loli ulwene lo lufingo lwa Lisyu lya Kyala. Polelo, une ngabagila ukuya nu lusubilo mwa ni mwene. Ugwe ukabagila ukuya nu lusubilo mwa gwi mwene. Loli, palikimo, uswe tubagile ukuya nu lusubilo mu Iki kitunyakile uswe. U Mbepo Mwikemo atunyakile uswe. Uswe tukufimbilisigwa ukuya nu lusubilo mu Ikyo. Kangī akabalilo kako uswe tukubika u lusubilo lwitu mu Ikyo, polelo ifyakukōngesya fikwisa.

³⁹ Ikyene kikuyaga panja pa minogono kwa une ukugela nuku—nuku kwanda pamwanya ukuti mbabule umwe fimo mwa findu ifi u Mbepo Mwikemo abombile mbumi bwangi bwa nimwene ububongotoka, a masiku gangu. Une nguyoba iki ni li Bangeli Lyāke ligukano, i Lisyu Lyake. Kangī ikyō kyo iki Umwene ali. Umwene yo Lisyu.

⁴⁰ Muketile, i Mbeyu iyi—iyi apa yikwisa mu lito lya bütéke bwa kisu, mu njila ya kindu Kyamwambepo. Kyala ikwisamo mula bo Mbepo kangī ikubombela ukwisila mu lito. Polelo, ikyene akaya mundu. Ikyene yo Kyala.

⁴¹ Kangī linga une mbagisenie ukwitugasya pási, nukwega akabalilo ukusimba i findu ifi une numbwene Umwene ikubomba, ikyene kisakupelaga bubwingi bwa mabuku. Kangī ukwinogona isya ikyene, apa, ni fyinja malongo-mahano-nafitatu mbukusi, kangī mbagile ukuyoba pankyeni pa Kyala, i Kipanga Kyake, ni li Bangeli, mu kuyapo bwa kibugutila iki, ukuti, “Une na kabalilo kamokene ngakibonamo siku Ikyene kikutologwa; katikati pa bung’wale, akabalilo kalikosa.”

⁴² Ukupagulapo, ubwa lisiku lingi akabalilo kako une nisaga kubwa kubwingilil’ilusuba. Umwe mukinile i tepi, bingi ba umwe, une ngusakikisya, umwe mukupilikisya. Une ngamanya fiki. Une ngugūlila. Une ndi apa lilino. Une ngamanya panongwa ya fiki. Une itolo ngugūlila.

43 Ikyene kibagile ukuya kabalilo ka kubuka kwangu kukáya. Ikyene kikuboneka fiyo mu njila iyo. Linga ukwene ko kuko, pisakutupukaga u munduyumo ugwakukōnga une, uyu isakwegaga i Ndumi ukukindilila. Umwene isakuyaga mundu unkindane, loli umwene isakutupuka ukufuma pa iki nukwega i Ndumi munkyeni. Kangi umwe pilikisya ky yene. Pene pápa iyene yo Lisimbo, itugasyaga ni yene.

44 Linga iyene yikaya, kalipo akayabo akangi kakwisa lilino, kabuno une naloliloli ngwitika uswe tukwitugasya mmasiku agabumalikisyo, kangi une ngupalisya ukuti une nítugesyémo mu lisiku ili. Une ngābagīle ukusanusania ilisiku ili ni lisiku nalimo. Ili lyo lisiku ilyālwmiko ukukinda gosa iki lyalimo siku pa kisu kya pasi. Likayapo i lisiku ilingi ili lyēgilémo siku i lisiku ili.

45 O, bule linga Mōse, Eliya, Pauli, Sīla, abaponjoli abakulumba ba lwitiko bala, mmasiku aga gakindilepo, bābagīle ukusyuka nukupimba ilibuku limo ilyasyambukulu, nukukete katikati iki abene bāsōlwīlēpo, fisile ukubomneka, nukukéta kuko uswe tulipo lilino? Nongwa ya fiki, abene bikubabikaga abene mminyololo, mu sala yimoyene. Naloliloli. Abene bikufwana bo banyambala banyamana, ukwendendeka mu ngīndi, nakalinganakalinga mumo abene bābagīle ukubukila, ukubalula Inongwainunu. “Akabalilo kafwene.” Polelo uswe tukukéta, ikilo iki, ukuti uswe tukusyalapo fiyo pa lwimiko lwa Kyala.

46 Loli une ngulonda ukwandisya itolo ikyakwegelela kimo, ukuti mu luko lumo ukutwala i kipanga . . .

47 Natigi ndi, ngimba Billy Paul āsangulisye amakadi ga lwiputo nkipanga ikilo iki? Une itolo nisile ukufuma ku Tucson a maminiti banini aga gakindilepo. [Umundu yumo ikuyoba, “Ena.”—Nsimbi.] Umwene—umwene āsangulisye amakadi. Lilino, iyo yikuyaga njila imbibi fiyo iyakugela ukutwala ifyene mula. Uswe tukugelaga ikyene.

48 Lilino, une ndikwegaga katali fiyo, ukupa itolo ubuketi pa Lisimbo ili.

49 Ukuti, Kristi ikukyunga i Lisyu Lyake. Umwene ikufimbilisigwa ukubomba. Umwene ikufimbilisigwa ukubomba ikyene. Muketile? Une ndikufimbilisigwa ukubomba ikyene; une ne gwakufwa, ngamandigwe mu ngilanio. Umwene yo nsitakufwa, nsitakutoligwa. Umwene ikufimbilisigwa ukukyunga i Lyake. Muketile? Loli une ndikufimbilisigwa ukukyunga i lyangu. Ugwe utikufimbilisigwa ukukyunga i lyako. Loli Umwene ikubomba. O, ngimba ikyo kitibika i kindukimo mwa ugwe, ukumanya ukuti Umwene yo—Umwene yo nubumalikisyo ipinyilife ku Lisyu lila?

50 Kangi, ukuti, undungu ugu, mumo uswe twisile ukukinda mu li Bangeli, na basololi na batata bata, kangi akabalilo

kosa ukunangisya ukuti akabalilo kako i kipanga kyāsokilepo ukufuma ku kila, Kyala ātumaga u munduyumo palapala pási nukuseniyenda abene ukugomokela kulakula ku Lisyu lila kangu, ukugolosya i kipanga. Ikyene kyāyaga lululo bwila. Iyo yo fundo ya Kyala. Umwene āsalile abanyambala ukubombela mu njila yilayila.

⁵¹ Lilino, linga Umwene āsalile i ndondwa ukulumbilila Inongwainunu, ikyene angali kibombigwe akabalilo katali aka kakindilepo. Abene angali bakasōkámó siku mbigwane Bwake. Linga Umwene āsalile i—i lisuba ukulumbilila iyene, pamo i—i mibelo ukulumbilila iyene, abene angali bakisamo siku ukusōkamo mbwigani Bwake. Muketile?

⁵² Loli uswe tuli pa lwalo lwa butuli bwa bwabuke bwa lwihó. Uswe tubagile ukubombela mumo uswe tukulonda. Kangu iyo yo nongwa uswe tuli bababisya—ndumbula fiyo ku Mwene. Bwila injila *iyi*, kangu ukulonda ukwingisyamo injila syitu twibene, nukusōkamo mu njila Syake. Muketile?

⁵³ Kangu une—une njobilepo pabutasi, u mundu ikumīlisya ukumpala Kyala panongwa ya ifi Umwene abombile. Kangu umwene yo bwila ikuyoba iki Umwene isakubombaga. Kangu polelo, akabalilo kalakala, ukupīka iki Umwene ikubomba. Muketile?

⁵⁴ Umundu ikuyobaga, “O, Kyala āligwīle i Nyanja i Ngesefu. Ena. Lwimiko kwa Kyala! Uko ko kotalusya.” “Ena, Yeso ikwisa kangu. Aleluya! Ikyo kyo kotalusya.” Loli, yoba isya Umwene umwisyugu? “Aa, kila kyāli kya lisiku ilingi.” Muketile? Muketile? Bwila iki Umwene ābombile, iki Umwene isakubombaga, kangu ukupīka iki Umwene ikubomba.

⁵⁵ Ako ko kayīlo kalakala aka Yeso Kristi akāgile akabalilo kako Umwene ikwisa ku kisu. Katikati. Kyala ātalile āfingile iki Umwene ātalile ābombile. Kangu apa Umwene āli, imile pankyene pábo, kangu abene balinkusita kummanya Umwene. “Umwene āli nkisu, kangu ikisu kyapeligwe nu Mwene, kangu ikisu kilinkusita ukummanya Umwene umma.” Uko ko kotalusya.

⁵⁶ “Loli mumo bwayilile ubwingi bwa aba balimmwambilile Umwene, ku bene Umwene alinkubapa amaka ukuya bāna ba Kyala.” Ikyo kyo kiyabo ikyalwimiko.

⁵⁷ Akene ko kabalilo kamo aka kakindilepo, i mboniboni innini iyi une ngulonda ukuyobelapo kwa umwe. Kangu une ngamanya, une lumo ngayoyiyobapo iyene siku loli itolo kwa mundu yumo pamwene ku buyo bumó. Loli une—une ndāgile yumo mwa bandu abakulumba ukukinda bosa nkisi kya pási iki, kwa une, u māma gwangu.

⁵⁸ Kangu une—une nunganile u māma gwangu. Mumo fikuti une nanketaga umwene ukusōkapo pa kigemo, akabalilo kako uswe twāli balondo fiyo, tukali nako nakamo aka kulya! Kangu

umwene... Bāba ātwalaga mula unkati gumo, kuko umwene āpyagilaga panja pa lilūka, pamo i kindukimo, kangi—kangi abene bōnolelāga u kofi pamwanya pa ikylene, kangi polelo ukubika i sukali pamwaya pa ikyo. Kangi māma abombelaga ukuya bo ukuti umwene akāli ni njala, ukuti uswe twe bāna twābagile ukuya ni kindukimo ikya kulya. O, une—une ngabagile ukwibwamo siku ikyo. Muketile? Kangi utubalilo twingi utu umwene isaga ukumbimba une, kangi i findu ifi umwene ālimbombīle une. Loli, umwe mumenye, Kyala yo—yo itolo iswīle fiyo ni kisa. Umwene ikupilikisya i findu fyosa fila, akabalilo kako Umwene ikufimbilisigwa ukubega abene. Kangi une—une nunganile Umwene panongwa ya iki.

⁵⁹ Ikyene kyo bwila kyāyaga, ukuti, bo aligwesa gwa bandu bangu bakāli ukufwa, une ngukibona ikylene bo kikāli ukuboneka, mu mboniboni.

⁶⁰ Une nālimbwene u nnuguna gwangu, akabalilo kako une nāli itolo ifyinja kalongo-na-fihano-na-fitatu mbukusi. Une nālimbwene umwene bo akāli ukusokapo. Une ngāli nukuya Nkristi mma, loli une nayibwene i mboniboni yikwisa pankyeni pa une, ngumbona u nnuguna gwangu ikubuka.

Une naketile tāta gwangu akabalilo kako umwene ikubuka.

⁶¹ Howard, mwe bingi ba umwe mukukumbukila Howard. “Howard,” ugwe ngumbukilaga une, ifyinja fibili bo ikylene kikaboneka, une nātile, “Howard, une ngetile u buyo bwako bung’waligwe. Ugwe gwe kukongaga.” Une ndinkuti, “Yaga nnunu, nnuguna, panongwa yakuti ugwe kuyaga gwakukōngesya.” Kangi umwene ābombīle katikati. Kangi polelo, apa akabalilo kamo aka kakindilepo. . .

⁶² Lilino, une ngusubila iki kitikupilikigwa kyāmahelu, loli, itolo ukunangisya u—u lupakisyo lwa Kyala. Kyala bwila ali nu lupakisyo mu tundu utunini, ukufwana na fifindu ifinywamu. Une ngulonda njobe iki ku lusako lwa bamo ba balumbilili banunu aba. Ukuti lumo... Kangi une ngwisopa nimwene mu kyene.

⁶³ Lilino, uswe tukulonda, aligwesa, ukuya Billy Graham yumo, loli uswe... Kangi uswe aligwesa tukulonda ukuya yo Oral Roberts yumo. Loli, uswe, uswe tukaya Billy Graham yumo pamo u Oral Roberts yumo. Uswe twe mbombi gwa Kyala mu ngunda apa Umwene atubikilepo uswe. Muketile? Kali apene po panini bulebule, pamo pakulumbula bulebule, ikylene kifwanefwane itolo pa maso ga Kyala, akabalilo kosa kifwanefwane, ukubombela nubutalusyi mbuyo bubo ugwe ubikigwe. Bwila, ikylene kyo kindu kikulumba ukunkōngesya u Ntwa.

⁶⁴ Une kinunupo ngabe... pamo ukubuka nukuya ni kipanga ikya bandu malongo mahano mu kyene, mu bwigane bwa Kyala, ukukinda ukubuka nukuya nabo maelifu mahano panja pa

bwigane bwa Kyala. Naloliloli. Kyala abagile ukubomba fingipo nu nnyambala uyu ali mu bwigane Bwake, mu sala yimoyene, ukukinda mumo Umwene ābagile nu nnyambala uyu ali panja pa bwigane Bwake, mu fyanja malongo mahano. Muketile? Umwene ikwitabania nukupepeluka, ikufwana ikutusulila mu ngisi. Loli akabalilo kako u nnyambala ali naloliloli mbwigane bwa Kyala, kangi amenye ubukōleligwe bwake, umwene itugasyege pala.

Kangi lilino, imboniboni, mumo u Ntwa Kyala ikubomba ni syene. Une . . .

⁶⁵ “Akabalilo kako Umwene, u Mbepo Mwikemo isile, Umwene isakusetulaga i findu ifi fifyo Une mbabulilepo umwe.” Lilino, kukayapo nu kulondigwa nakumo ukwakugela ikwinogonela, injila iyingi yiliyosa. Umwene yo Nsimbi. Umwene naloliloli abagile ukumanya iki Umwene āsimbile. Muketile? Ili Bāngēli lyāyobile Umwene āsimbile Ilyene. “Bōpe abanyambala ba iyolo, bo bāyuganisigwe na Mbepo Mwikemo, balinkusimba i Lisyu.” Kangi linga u Mbepo Mwikemo yo Nsimbi gwa Lisyu, naloliloli Umwene amenye ukulingania Ilyene kanunupo na mumo tukubombela. Ndeke Umwene abombe ubulinganie bwa Ilyene. Kangi ugwe umenye bulebule, injila yiyo Umwene ikulilingania Ilyene? Lilino, komma ukubwinda ifindu ifi linga ugwe kwisa ku bubumbelo bwa bubumbulasyo. Kēta. Komma ukubwinda iki. Ngimba Umwene ikulingania bulebule Ilyene? Mu njila iyi, mu kwisila ukusisimikisya Ilyene, muketile, ukulipela Ilyene ukuya mumo.

⁶⁶ Ikyo kyo iki Yeso āyobile. “Londesya Mmasimbo. Mu Gene umwe mukwinogona umwe mulinabo u Bumi Bwasyepwa; kangi Agene go Gene aga gikubabūla ukuti Une ne ywani. Agene go aga gikuyoba isya Une. Kangi ywani abagile ukundobesya Une? Ywani abagile ukunsitaka Une panongwa ya butulwanongwa?” *Ubutulwanongwa* bo “busitakwitika.” “Linga Une ndikubomba i mbombo isi syāsimbigwe isya Une, polelo komma ukunyitika Une. Loli linga Une ngubomba i mbombo, kangi umwe mukutologwa ukunyitika Une, polelo itika i mbombo, panongwa yakuti i—i Lisyu lyāyobile isya ikyene.” Muketile? Ikyo kyo itolo bwinogonelo bwapaliposa, bwalisiku-lyosa.

Lilino, Kyala, “Ifikungilwa nu bukōleligwe fili panja pa bupinduke.” Uswe tumenye ili Bangeli likuyoba ikyo. Agene gikubomba ikyene.

⁶⁷ Ikyene kyāli ukufwana, ifyinja fibili lilino. Une nāli . . . Ulubunju lumo une nendaga mu—mu nyumba, kangi une nālitugesye nkikota. Lilino, iki kikuboneka kihesya fiyo, ukuti Kyala ābagile ukongelelamo ikinyamana. Bo yu nkundwe yumo umpala, pa mboniboni yila iya Kumwanya, isya kupimbigwa kunini kuno une nāli nako; une ngusubila une mbabulile umwene ukufwana na kene, kamokene, pamo ndukomano lumo. Umwene āsimbile aka kalatasi kanini i lisiku limo, kangi

alikutu...aba Business Men's Voice balinkukatwala akene. Kalinkuti, "Iyene yāli... i mboniboni yako yāli nnunu, Nkundwe Branham, ukusanuka kwako. Loli, pilikisya, iyene yali nnunu mpaka ugwe gwātīle i falasi yako, iyi ugwe gwalitogilepo akabalilo kamo, yālisile nukubika untu gwake pa kibega kyako." Umwene alinkuti, "Sikayako nasimo i falasi ku Mwanya, Nkundwe Branham. Ku Mwanya kwapeleligwe ku bandu, komma i falasi." Ena, une ndinkwinogona...

⁶⁸ Ena, bwila, ugwe kumbona aligwesa bo yula, ugwe kufimbilisigwa ukulingania kilikyosa, abene itolo bikugela ukukyaga a kandukamo. Muketile? Ugwe ukabagila ukulingania Kyalala, mulimosa. Ugwe kufimbilisigwa itolo ukwitika Umwene.

⁶⁹ Loli ikylene kibagile ukumbatamisya umwene. Une ndinkuti, "Nkundwe, une ngāyobilemo siku ukuti nāli ku Mwanya. Mu mboniboni, une nāsūmile ukunkéta Yeso, kangi abene balinkuti Umwene akāli ali ukukinda apa. Une nāli mbuyo ubwakufwana nu paradiso. Loli, ukuti ikylene lumo kikutile ugwe, ili Bangeli lyāyobile, mwa buku gwa Busetuli, ukuti, 'Yeso āsokile ukufuma ku Myanya gya myanya, itogile pa falasi inyelu. Kangi bosa aba ku Mwanya bānkongesyaga Umwene, pa falasi inyelu.' Polelo sikufimbilisigwa ukuyako simo kumwanya kula mu Myanya gya mwanya."

⁷⁰ Kyalala ikyēlīle mu kilikyosa. Umwene ikyēlīle mu tundu utunini utu ugwe kubomba, pamo i findu ifinywamu ifi ugwe kubomba. Umwene ikyēlīle mu njila yiyo ugwe kupakikisya untimo gwako unnini, pamo ugwe abanino bikupakikisya untimo gwako unnywamu. Umwene yo ikyēlīle.

⁷¹ Akabalilo kamo aka kakindilepo u nkundwe gwangu gwa une unnunu, umfumuke, uswe twāli pāsi ku u—u... ukulob'iswi ku buyo bumo. Une nāgomwike, ukufuma ku ngomano, kangi ngutusya. Uswe twalobag'iswi ni ngolwa, kangi uswe twākolīle akakulya kanunu ka nswi. Kangi ikilo kila uswe twendelaga imitungo gyitu, kangi uswe abafunya bātumalikīle. Bo kwilīle namayolo, une ndinkubuka ukukōla utugege utunini, utwinitu utunini fiyo utu. Ukagagile...Amanywamu ugwe ubagile ukulya agene, loli utu to itolo tuswi twafunya. Kangi une ndinkutagila mula imbēja, imbēja ya lugoye, natukolaga utwene, ukutubika utwene nkapake.

⁷² Kangi i Kindukimo kilinkundika une, nitugesye ba bwato ubu. U ndumiana uyu āli gwa Jehovah Witness, kangi u nkundwe gwake afumile itolo pakupokigwa nu kwisusigwa na Mbepo Mwikemo, kangi polelo abalumiana babili bāli na uswe. Kangi bo une ngukōla utuswi utu, twesa ba uswe, i Kindukimo kilinkundika une. Kangi une ndinkuyoba, "Umwe mumenye, kukuyangapo ubusyuke ku bafwe ubwa bumi bumo, ukufwana bo kanyamana kanini." Ena, akanyamana kanini.

⁷³ Lilino, mwe bingi ba umwe mukukumbukila isya kubukilangānila kwa Lisyu, ili lyāyobile, “Pikuyaga ngapo u ndumiana unnini uyu ikugomokela nyuma ukufuma ku bafwe, ātikigwe ni ligali.” Nkundwe Jack Moore ali na une ikilo iki, uyu āli kula mu Finland akabalilo kako ikyo kyābombigwe. Muketile? Mwe bingi ba umwe apa mukukumbukila une njobege ubwene ukukinda apa, muketile, nābabulile umwene ukusimba ikylene mu twa buku twinu. Ketesya.

⁷⁴ Kangi Nkundwe Wood alinkusyumbutuka, Nkundwe Banks Wood, yuyo u mwanake undumiana ābumbulusigwe, ukufuma ku polio. Kangi umwene alinkusyumbutuka nukuyoba ku nkundwe gwake, “Ugwe ketesya itolo. I Kindikimo kikwitendekesya ukuboneka.” Une ndikukindilila ukukōla iswi sila, umwe muketile. Polelo uswe tulinkubika abāfunya ku mbēja syitu nu tuswi.

Ikilo kila tukākolile nakamo.

⁷⁵ Ulubunju lwa kilabo une ndinkuyoba, “Twalipo tumo, utunandi panini, utugege kubwa kula.”

⁷⁶ Umwene alinkuti, “Yoba, ena mwe, ngimba ugwe ukāyobile ukuti pikuya ngapo u luko lumo lwa busyuke bwa bumi?”

Une ndinkuti, “Ena.”

⁷⁷ Une ngukubula ugwe, akabalilo kako une nafumaga ku kāya, abene bāli. . . U ndindwana gwangu unnini. . . Uswe mu luko lumo tuli. . . Mwe bandu umwe mubagile ukuya nabo abene linga umwe mukubalonda abene, lilino, muketile, loli une ngutila u niālu. Kangi polelo une—une itolo ndikukugana ukwipilika ukwamisyyuka kula kuko ugwe kukwaga ukusyungutila abene. Kangi polelo uswe tukaya nabo abene ku nyumba, kangi—kangi une u niālu abagile ukusyagania ukuti une ngutila umwene. Polelo, u tāta gwangu ātilaga aba niālu. Polelo, kokuti, abalindwana bangu abanini bāmenye ukusita kuya na ba niālu balibosa ukusyungutila kula. Kangi unnini. . .

⁷⁸ Undindwana gwangu unnini ikwenda ukusuluka pa nsebwe nu ndindwana uyungi, kangi umwene alinkugomokako, ikuboneka-nsulumanie mosa nkisyo, kangi umwene alinkuti, “Bāba?”

Une ndinkuti, “Ngimba ugwe kulonda fiki, lūki?”

Umwene alinkuti, “Ikindu ikinyali kibombigwe.”

Une ndinkuti, “Ngimba ikylene kyo fiki?”

Umwene alinkuti, “Linga ugwe itolo gwāmenye!”

Une ndinkuti, “Ena, mbula une.”

⁷⁹ Umwene alinkuti, “Umundu yumo āsopile u niālu ugwaiyolo umpelakisa, pāsi pa nsebwe apa.” Kangi alinkuti, “Ikindu kyake kili kifuki ukufwa, kikutoligwa nu kwenda.” Kangi alinkuti,

“Bāba, ngimba ugwe kwitikisyaga linga uswe tukukalyesya akene nukukapakikisya akene?”

⁸⁰ Une ndinkuti, “Naloliloli nakamo. Linga ugwe kulonda ukukalyesya akene, gwandege ugwe itolo. Komma ukukaleka akene kakung’walege ugwe.” Une ndinkuti, “Unko une ngēte u niālu.”

⁸¹ Polelo akabalilo kako abene bātwele u niālu kula, une ndinkutwala ikibokosi, kangi, ena, ulubunju lwa kilabo uswe twāli ni kibugutila kyosa kya twana-twa-niālu.

⁸² Kangi palapala, polelo, u ndumiana unnini—unnini gwangu, ku une ngusokapo, unnini Yosefu, umwene abaketaga abene. O, umwene inogonaga ukuti abene bali bamogi, umwe mumenye, ukufyuka ukusyungutila, umwe mumenye. Kangi—kangi polelo umwene ikwega kamo nkiboko kyake; umwene ikukakamata akene panandi fiyopu, kangi umwene alinkukagwisya akene pa sementi. Akinitu akanini kalinkwanda ukugalamuka ukusyungutila, ukusyungutila. Une ndinkwinogona, “O, mwe!”

⁸³ Kangi une ndinkwinogona, “Ena, lilino, ikyo kibagile ukuya akāna ka niālu akanini akaiyolo, akabalilo kako une ngugomokela ku kāya.” Umwe mukukumbukila inongwa ya oposamu. Une ndinkwinogona, “Ena, ikyene kibagile ukuya kāna ka niālu kala.” Popapo polelo uswe twalitugesye kunyuma nkiloboko ikininini, tukulob’iswi, kangi uswe twakolaga utu utugege utunyamupo akabalilo kala, ukutagila utunini fiyo ukugomokesya.

⁸⁴ Nkundwe Lyle, unuguna gwa Nkundwe Banks, alobaga ni ngili yakuniongotola, untungilo unkulumba unywamu, kangi ifibugutila fwa bafunya abanywamu pa gwene. Umwene alinkukaleka akagege akanini akaiyolo kala kamile untungilo gula mpaka pasi pa kalwanda kake akanini. Kangi akabalilo kako umwene ālinkwabile umwene pamwanya, umwene alinkuti, “Lilino, une nalondaga ukuti ugwe angali ukutile *kula*,” itolo ukufwana *bula* ubutali. Kangi umwene itolo... Umwene alinkutoligwa ukusopola untungila panja, une ngusakikisya. Yikalipo injila iyingi; itolo ukutumula undisi. Kangi umwene ālondaga ukuponesya untungilo gwake. Polelo umwene alinkukwaba itolo ifyankati, akalwanda na fyosa, panja pa mwene, bo *ulo*, kangi ālinsopile umwene pala pa misi. Kangi umwene—umwene alinkupalapatika katatu pamo kana kosa kangi itolo ukulambalala pala. Umwene alinkuti, “Ugwe umalike, mwinitu nnini.”

⁸⁵ Une ndinkuti, “Lyle, akabalilo kako umwene ikwanda ukuluma... Ega akatungilo akaninipo ukukinda yila. Akabalilo kako umwene ikwanda ukuluma, ega ingili iyakusopilamo yilambalele apa, kangi itolo akabalilo kako umwene ikwanda ukulumba, nkolaga umwene. Muketile? Bo umwene akāli

ukwega iyene nkati nukumila iyene, kolaga nkanwa mwake.” Une ndinkuti, “Ulo lo lusālo lwa kukōla utwene.”

⁸⁶ “Aa,” umwene alinkuti, “une nkwabile ubunyali,” kangi umwene alinkukindilila itolo. Kangi umwene alinkugela utubalilo tunini, kangi alinkubwinda tutātu pamo tuná. Kangi umwene alinkukilambalika i kindu pási, alinkuti, “Une ngundekaga itolo umwene amile ugwene kangi.”

⁸⁷ Polelo akaswi akanini kalinkwēlela ukusyungutila pa misi pala pa kanandi, o, une ngusakikisya, amaminiti malongo matatu. Kangi amyiga galinkwanda ukufyuka nu kwisa mula.

⁸⁸ Une ndinkuti, “Ena, uswe tukufimbilisigwaga ukusokapo kifuki lululu ulu. Uswe tukabila akandobo lilino, polelo uswe tukufimbilisigwa ukusokapo.”

⁸⁹ Kangi une ndikufyuka mmwanya, ukukatagila akene ukugomokesya pamwanya pa māni ga mayibiyibi gamo, ukukakung’usya akene kabukege. Syalipo simo sya miyoka iminywamu imikeseфу-nyanda ku nyuma kula. Poleo une ndikwandako, ukukwaba u—u—u funya ukufuma ku lyāni, umwe mumenye, ukukwabila pamwanya pa lyani, kangi ukukipukusa ikyene, mumo umwe binitu na bakikulu mumenye ukufwana nu kuloba-nswi.

⁹⁰ Kangi akabalilo kako une ngwandako ukubomba kila, nakalinga itolo, i Kindukimo kilinkusuluka pási ukufuma ntwamba tula, itolo ukufwana Mbelo ukōnekela. Kangi Ikyene kilinkubuka pa une. Une ndinkutaga i ngili, nukwima mu bwato. Kangi une ndinkukelengania. Une ndinkupilika i Lisyu likuyoba, “Ugwe uketile akaswi akanini kala?” Kangi pala umwene ālipo, alambaléle pala.

⁹¹ Une ndinkuti, “Ugwe uketile akaswi akanini kala?” itolo mumo Umwene āyobile ikyene. Pala utufigilo twake tūmile, kangi umwene āli, alambaléle pa misi ku sinda ya sala. Kangi i li Bangeli ili lilambalele ligwike lilino. Muketile?

Kangi Umwene alinkuyoba, “Yoba kwa mwene, kangi mpapo umwene ubumi bwake ukugomokesya.”

⁹² Kangi une ndinkuti, “Kaswi kanini, mu Ngamu ya Ntwa Yeso, une ngukupako ugwe ukugomokesya u bumi bwako.”

⁹³ Kangi abanyambala bali bimile, bikuketesya. Akaswi akanini kala kalinkusyumbutuka pa nyuma yake, kangi pási ukukinda mmisi umwene alinkubuka. Abene balinkulonda ukusilika. Lyle alinkusugusula ikisyo kyake mmisi. Umwene alinkuti, “Une ngusumukaga linga kakindilepo akabalilo.” Umwene alinkuti, “Une—une mmenye ngugogwa injosi.”

Une ndinkuti, “Ugwe utikugogwa njosi mma.”

⁹⁴ Kangi palapala akabalilo kalakala, une ngusakikisya une nāli, pa lubambiko lwa lwiputo, malogo matatu pamo mana aga bāna basitakukula. Kangi mumo Kyala asyumbutukilaga,

ukufuma ku bāna basitakukula, nukusyusya akaswi akanini kala, ikyene kikubuka ukunangisya itolo ukuti Umwene ikyēlile mu kilikyosa.

⁹⁵ Ngimba nongwa ya fiki Umwene abagile ukubombela a maka Gake ukuguna umpiki gwa māfilu, akabalilo kako bālipo a maelifu ga bābukoma nkisu? Kangi Umwene alinkīsanīa abābukoma bala kangi alinkubūka kula nukubika ikugune pa mpiki gwa māfilu, kangi alinkuti, “Nayumo u mundu ikulya ukufuma kwa ugwe,” kangi ikipiki kya māfilu kilinkūma. Alinkubombela a maka Gake, ukunangisya ukuti Umwene ikyēlile mfipiki. Umwene ikyēlile mu swi.

⁹⁶ Umwene ikyēlile mwa ugwe. Umwene ikyēlile mwa une. Kangi Umwene ikyēlile ukukēta i Lisyu Lyake likubonekela pabwelu, kangi Umwene ikusubila pa uswe ukubomba ikyene, kabuno uswe twe babombi Bake. Nakimo mwa uswe twibene. Ikyene yo Umwene; ukwilambika twibwene nu kwenda nu Mwene.

⁹⁷ Nāyibwene imboniboni ulubunju lula. Une nakētīle ikinyamana ikinywamu kilambalele pa lubafu lwa kyamba. O, ikyene kyali ni kipambo ikinywamu kya mbembe. Une nāli ba bwendo bwa kufwima mu mboniboni iyi, kifuki ukufwana isala ya kalongo pamo kalongo-na-yimo pamusi. Kangi une nāsobile kula kangi nātusulile ikinyamana kila.

⁹⁸ Kangi polelo pa nsebwe ukugomokela, ikindingo ikya grizzly ikinywamu, ikikulumba kilinkutupuka palapala mmwanya ukulwana nanine, kangi une nālīntusulile umwene.

⁹⁹ Kangi polelo une ndinkubabona abene bikwega i mbembe, kangi ikiboko ikinini kilinkufikila nu kwega imbembe, ukubika i tepi pa lwene. Ulwene lulinkupima ama inchi malongo-mana-na-mabili, ukufuma kūsulo kwa nkikongoti ukubuka ku mwanya kwa lupembe, ma inchi malongo-mana-na-mabili ubutali. Une ngakibonamo siku ikinyamana kilikyosa bo ikyene, imifwa iminywamu imikulumba pa mbembe syake. Kangi, loli, ikyene kyabonekaga bo mbabala, loli ikyene kyo, o, mwe, kikipela sibili pamo sitatu imbabala. Une ngakibonamo siku ikindu kilikyosa bo ikyene.

¹⁰⁰ “Ena,” une ndikuti, “lumo ikyene kisakubonekaga i lisiku limo. Une ngukisimbaga ikyene pási pamo itolo.”

¹⁰¹ Une ndinkusulukila pási ku Kentucky nu mwinangu, kangi Nkundwe Miner Arganbright alingolile une, alinkuti, “Nkundwe Branham, ngimba ugwe uli pakabombo?”

¹⁰² Ndinkuti, “Komma fiyo mma.” Une ndikuti, “Une nāli pa bwangu. . . Une ndinagyo i milungu mibili lilino. Une ndi pa holide innini.”

103 Alinkuti, “Bopaga kumwanya ku Canada, ku Alaska, na une. Uswe tukulonda ukubatika ikiyabo kya ba Business Men ku Anchorage kangi kópe ku Fairbanks.”

Une ndinkuti, “Kikupilikigwa kili kanunu, linga une mbagile ukukāga akabalilo ukubomba ikylene.”

104 Umwene alinkuti, “Ena, Nkundwe Branham, linga ugwe kwisakubomba ikylene, une ngukubula ugwe fiki, uswe twisakukupa ugwe ukufwima ukununu kwa nkingo kya grizzly.”

105 Ndinkwinogona, “O, ikyo kikupilikigwa kinunu.” Une ndinkwinogona, “O, o, iyo yo mboniboni yila. Muketile, iyo yo yīyo.”

106 “Ukufwina ukununu ukwa findingo fya grizzly,” une ndinkuti, “ikyo kikupilikigwa kinunu. Une ndikufwima ikyo. Loli, akabalilo kako uswe tuli ku mwanya kula, kangi bamo mwa babikisiyi bikulonda ukunyegele une panja, kisita luhombe, une ngwisakuya nsangalufu ukubuka.”

Polelo, umwene alinkuti, “Ena, abene—abene bisakubombaga ikylene. Uswe tutendekisye ikylene mosa.”

Une ndinkuti, “Ena, lilino gūlila. Unko une nīputile pa ikylene.”

107 Kangi une ndinkubuka mmatengele i lisiku lila, kangi akabalilo kosa une niputāga, kubutalipo ukusokako une nābukaga, akabalilo kosa, nubumalikisyo ukusokako ukufuma ku kyene. Une ndinkwinogona, “Ikyo kyo kihesya.” Kangi amasiku mabili ukufuma pala, une ndikukōlela u Nkundwe Arganbright. Une ndinkuti, “Umma.”

108 Umwene alinkuti, “Nkundwe Branham, uswe tukutendekesya itolo ifindu.”

109 Une ndinkuti, “Komma ukubomba ikylene. U Mbepo Mwikemo akānile ikylene.” Kangi une ndinkumbula umwene i mboniboni. Une ndinkuti, “Une—une ngamanya, Nkundwe Arganbright, loli ikylene kyo kihesya. Loli Umwene atisakunyitikisya une ukubuka kula, kangi, loli, ikylene kikupilikigwa ukuya ukuti—ukuti bukuyaga bo buyo bula.”

Kangi umwene alinkuti, “Ena, lilino, uswe twesa twindekisye ukubuka.” Kangi une ndinkuti . . .

110 Lilino, mwe bingi ba umwe mwisakumbona Nkundwe Arganbright. Umwene ikwisa kuno lilino, ukwitendekesya na une, ukubuka ku fisu fyāpanja ukufuma ku lukomano ulu. Kangi polelo umwe mubagile ukundalusya umwene akapango. Polelo uswe tulinkuti . . .

Une ndinkuti, “Umma. Une ngabagila ukubomba ikylene. U Mbepo Mwikemo ikumbula une mma.”

¹¹¹ Ikyene kinunu ukukinda-fyosa ukupilikila, kisita kupasya mumo kiyilile ubunywamu, mumo ikyene kikubonekela ubununu. Une ngulumbililaga pa kindukimo bo ikyo kilabo nkilo, u Ntwa iganege. Polelo lilino, kumbukilaga, kali kikuboneka kinunu ikyene bulebule, linga Kyala akayamo mu kyene, syalaga kubutali ukufuma ku kyene. Kali ikyene kikuboneka kimwekuke, itugasyaga kutali ni kyene. Kali kikabi bulebule, itugasyaga kubutali ni kyene linga Kyala akayamo mu kyene. Itugasyaga kubutali ni kyene. Lilino uswe tukuyaga pakuyoba pa ikyo kilabo nkilo, u Ntwa iganege.

¹¹² Lilino, akabalilo kako une nābukile ku kāya, Billy āyobile kwa une, mwanundumiana gwangu, umwene alinkuti, “Bāba, ngimba ugwe umenye umfwimi yula uyu ugwe gwābukile ukufwima nagwe akabalilo ka bulenge nkyinja ku fyamba kula, uyu ingamu yo Southwick?”

¹¹³ “O,” une ndinkuti, “pamwanya pa...mu i...pasi pa Yukon kula?”

Umwene alinkuti, “Ena.”

Alinkuti, “Umwene ali na kalata gwa—gwa ugwe.”

¹¹⁴ Umwene yo Nkundwe Eddie Byskal, uyu yo nkulumba gwa—gwa kibugutila kya balumbilili iky kisu kila ikyakululu-kubwingilil’ilisuba pamwanya nkati mula, u ndumiana unnunu fiyo, lumo muno ndukomano ulu. Umwene ikwitendekesya ukwisa kubwakuno akabalilo aka. Ndumiana nnunu nnini, kangi umwene ali kikolo ikinunu. Umwene yo—umwene ikubomba isya bubangeli pamwanya pala lilino bu ba Cree, abaMwenye ba kiCree. Kangi une nāli itolo nu mwene nkyinja nkabalilo ka kugwa amāni. Kangi polelo...Pamo, nkyinja palumu, ndigi.

¹¹⁵ Polelo umwene, Eddie, ālondaga ukunyegelela une kwa Bud, uyu yo yumo mwa bapinduke bake kwa Kristi. Unkasi āli mwimikigwe mu kiPentekosti. Bud āli ntima-finyamana, kangi umwene isaga mula lululu ulu itolo. Loli umwene āyabiligwe, kuko umwene abakagaga abaMwenye panja nukubabika abene pa lubafu, ikiyabo ikikulumba kubufwimilo. Ukufwana mahano-na-kimokyene...O, une ngusakikisya umwene āli nago ukufwana mamailosi ukusyungutila ba mia batatu, pamo ukukinda, ukusyungutila nkati mula, ukuya buya ayabiligwe ni boma Iya Canada.

¹¹⁶ Ena, akabalilo ka bulenge kala, akabalilo kako une nāli pamwanya pala, uswe twabukile ukufwima ifindingo ukufuma ku lukomano, loli akabalilo kako uswe...mu Meyi, loli abamwenye ba chinook balinkwisa nukwigalila ikyene. Uswe twāli nafyo ukufwana...Umwene akāpilikemo siku kalikosa ukufwana ni ngomano, kangi Eddie alinkumilisya ukonelela pa mwene ukufwana ni ngomano.

117 Kangi umwene alinkuti, “Ugwe utikusanusya ukuti kumbula une ukuti, umwisyugu, ukuti Kyala ikwibonesyaga Mwene, kangi ukubonesya ifindu ifi fikwisa bo ikylene kikuboneka?”

Eddie alinkuti, “Ikyo kyo katikati kotalusya.”

118 Polelo umwene alinkūmilisya ukuyoba kwa une. Umwene alinkuti, “Ugwe umenye, une ndinayo u nkundwe uyu ali ni fisilisi.” Alinkuti, “Linga ugwe ubagile itolo ukufika kwa yula nkundwe!” Alinkuti, “Une ngusubila, linga une mbagilemo siku ukwisa ku yimo ya ngomano syako, une ngusubila ukuti umwene abagile ukubumbulusigwa.” Une ndinkuti . . . Alinkuti, “Umwene āli nakyo ikylene u bumi bwake bosa.”

Une ndinkuti, “Lumo momumo.”

119 Ena, ukwene kutakwila ni ngisi pamwanya pala pa kabalilo kala aka kyinja, umwe mumenye. Ilisuba likusuluka itolo pási, kangi likufika. . . O, ugwe ubagile, akabalilo kalikosa, nkilo pakati, isala yakwanda ndubunju, ugwe ubagile ukwima itolo, ukubala ifinyuzi, kalikosa, umwe muketile. Kangi ukufwana—ukufwana ikiyabo kyabumalikisyo kya Meyi i lisuba litikwingilamo siku. Ilyene likwiyubika panandi, ukufwana libukile, ukufwana a maminiti kalongo, kangi likugomoka kangi. Polelo uswe twālabalalaga kalikosa uswe twākatele.

120 Kangi polelo pa nsebwe bo tukusōka, uswe twālyagene ni kipambo kya baMwenye. Kangi, o, une nāli nagwe umwalafyale gwaiyolo kunyuma kula. Abene balinkundeka iyugasyege kula panongwa yakuti umwene āli na bāna babili. Abene bikusyila a bāna bābo nkisinga, abaganigwa bābo. Luko lumo ulwa bwiputi. Kangi abene bikubapayika abene nkati mula, polelo abene bikubaleka itolo ikikolo kila kītugasyege kula. Umwinitu unnunu ugwaiyolo, ukukinda ifyinja malongo-mahano-namana, itugesye pamwanya pa sadulo yake itolo afwene bo yumo mwa balumiana bake.

121 Kangi polelo uswe tulinkusōkako ilisiku lya kilabo. Umwene alinkuti, “Yikayapo injila iyakukilania lilino. Buka mmwanya pamwanya pa kyamba kangi injila *iyi*.” O, iyene yali a mamailosi mia yumo agangi, ukutumula injila. Polelo, uswe tulinkutoligwa ukubomba ikyo. Ukwene kwali kwilano fiyo. Uswe tulinkwangako ukugomokela.

122 Kangi pa nsebwe ukugomokela, Bud ali nu ntimo gwa falasi isyanike, kangi simo mwa syene syalingile nkitubwe ni findu. Kangi une nākongesyaga mula, tukuyoba, kangi Eddie na une. Kangi Bud āli pa falasi ya pankyeni, ukugela ukusōka. Uswe twāli nasyo malongo-mabili-na-yimo. Kangi une ndinkuyanalo ulugoye pa yimo, nukunsosyamo umwene. Kangi itolo akabalilo kako umwene āsokilemo mula, polelo yi yangu ifalasi iyi nālitogile yilinkwingila nkati. Kangi ape une ndinkuya, ukusōkamo kula. Kangi une nāli na matipa

na fyosa . . . Mu maminiti manandi, une ndinkwitoga pa falasi yangu, nukusyumula amatipa ukufuma ku myenda gyangu, bo *lula*, nukwandapo.

¹²³ Kangi palapala pankyeni pa une, ukukilania ikyamba kila, alinkwisa unnyamba untubwa. Une ndinkukéta umwene. Une ndinkugomokela mu kitogelo nukuyimika i falasi. Kangi une nâlimbwene umwene ikugwa mu kisilisi, ukubunguluka kangi ukubunguluka, kangi ukuya nu ntotofulo, umwene alinkuya na matingo foyo, kangi itolo ukuswanyula filifyosa. Kangi polelo umwene alinkukiba pási. Une ndinkukéta imbulu yayolo. Une ndinkukéta i shati yake yikupya.

¹²⁴ Eddie âli kifuki sinda gwa miyumba gya nkáya pa nkyene pa une, ikugela ukusósyamo i falasi iyangi. Ifalasi innini yabopile ukusókamo nkayila, ukufika ukukilania nkati mula, ukukwaba ifyombo ukwifula mwene, ukwiwabula mwene. Popapo polelo une ndinkubopa kula kwa Eddie. Uswe tulinkuiybatamisa i falasi. Une ndinkuti, “Eddie, une ndinagwe ISI SYO IKUTI U NTWA kwa Bud.”

Umwene alinkuti, “Nkundwe Branham, ngimba fiki fiyabonike?”

Une ndinkuti, “I mboniboni. Une numbwene u nkundwe gwake.”

Umwene alinkuti, “O, mwaga umwene.”

¹²⁵ Une ndinkuti, “Sikolelelaga i falasi kunyuma. Une ngutalusyaga iyangu kangi nguyaga nkyeni, ukubopesya ukusyungutila i falasi isi, ngete ukuti une mbagile ukusyaga isyene nukusikolelelela isyene kulubafu lwa kyamba.”

¹²⁶ Une ndinkubopa ukusyungutila ikisuluke, bo *ulu*, ni yangu i fala- . . . pa falasi yangu. Ukunkwabila umwene pamwanya, kangi ukufika pamwanya pala. Kangi une ndinkubika ikiboko kyangu pa kyakwitogela. Une ndinkuti, “Bud?”

Umwene alinkuti, “Ena, Nkundwe Branham.”

¹²⁷ Une ndinkuti, “Une ngulonda ukukbula ugwe i kindukimo. Unnugunago . . .” kangi ndinkundingania umwene.

Umwene alinkuti, “Ena. Ywani akubulile ugwe?”

Une ndinkuti, “Nayumo. U Ntwa anangisye itolo umwene kwa une.”

Une ndinkuti, “Ngimba ugwe kwitika une ukuya ntumigwa gwa Gwake?”

Umwene alinkuti, “Naloliloli, Nkundwe Branham.”

¹²⁸ Une ndinkuti, “Tuma kula,” ukufwana—ukufwana amamailosi bamia lwele kunyuma kwa bwigufu, “mwega u nkundwe gwako ukwisa kuno. Kangi akabalilo kakwanda aka umwene ikugwa mu kimo mwa fisilisi fila . . .” Une ndinkuti, “Umwene âli nafyo ifi ukufuma pápo âli ni ni finyinja fibili

mbukusi. Ugwe lumo ukabagila ukwitika ikyene, loli ikyene kyo kyakilingo. Umbuya gwinu āli nafyo ifyene.”

Umwene alinkuti, “Lilino, ikyo kyo bwanaloli. Isyo kotalusya.”

129 Une ndinkuti, “Lilino, akabalilo kako u ndumiana uyu ali nu kusilika kwake, ugwe nyaka ishathi yake ukufuma pa nyuma yake nukuyitaga iyene nkati mmoto, nukuyoba, ‘Iki une ngubomba mu Ngamu ya Yeso Kristi, ukufwana ni Lisyu Lyake.’ Umwene atisakuyamo siku nakyō ikinine mma, akabalilo kosa aka umwene isakwitikaga ikyene.”

130 Umwene itolo āfyusisye amaboko gake, ikukūta. Umwene alinkuti, “Une ngakibona ikyene kikubombigwamo siku, loli ugwe naloliloli umbulile une itolo mumo u nkundwe gwangu ikubonekela, kangi umbulile une ubwanaloli ukufwana nu mbuya gwangu.”

Une ndinkuti, “Uko ko kotalusya.”

131 Kangi uswe tulinkusōkapo, umwene alinkutuma amayu kangi alinkummwaga u nkundwe gwake. Kangi umwene ābukaga ukutumula akayila ulubunju lula, akabalilo kako umwene ālisile pala pa bāsi (ikwisa, ikusilika kabile pamo katatu pa ndungu, mwanya na pāsi pa nsebwe unywamu gwa Alaska), umwene alinkwisa kula . . .

132 Kangi u nkasi gwa Bud, Lila, yo kindu kayabo kanini, u nkikulu unnini, nnywamu ukufwani nibwe lya sopo ukufuma ukuti ikikolo kimalile ukusukila ukufuma ku lyene. Itolo kanini . . . Kali na bāna bahano, kangi u nkikulu unnoge.

133 Kangi polelo Bud ābukile ukutendekesya i falasi syake, panongwa yakuti umwene ābukaga kukutumula akayila, polelo uswe twābagile ukubuka ukugomokela mu kala na bafwimi bake.

134 Kangi akabalilo kako umwene bo akindile, ena, unnuguna nkati mula, kisita kufūla i myenda gwake iminunu bo akāli, umwene alinkugwa mu kisilisi. Kangi abene bāgonelaga mu mbuyo bwa basikali mwayiolo, kuko aba America, akabalilo kako abene bāyenga u nsebwe unywamu, bāli nabo ubwene pala. Kangi akabalilo kako . . . Abene bāli na pabupiyilo pikukoleligwa salamander apanywamu apaiyolo. Kangi unnini Lila . . . Umwene unnuguna āyaga—umwene unnuguna āyaga nsitakupasya akabalilo kako umwene mfimmwagile. Kangi umwene unkasi āli nulutende ku bufwe panongwa ya umwene, kangi umwene igulaga ilibwinda, *ikindukimo pamo ikingi*, ukwepukapo pa njila. Loli umwene alinkwanda ukunyela panja, kangi umwene ālinogwine isya iki kyāyobigwe. Umwene unkasi ālisilemo mu yimo sya ngomano, kula ku Dawson Creek.

135 Umwene ikubopela kula kangi ikwitoga pa mwinitu unnywamu uyu, ikunyaka ishathi yila ukufuma pa nyuma yake,

ikukūta, amabatani na fyosa, ishathi yake inyelu, ukubuka kula ku bupiyilo, nukuti, “Iki une ngubomba mu Ngamu ya Ntwa Yeso, ukufwana ni Lisyu lya Ntwa ili lyāyobigwe kwa uswe.” Kangi umwene unnuguna akayako na kimokyene ukufuma palapala. Kila kilinkumasya ikyene.

¹³⁶ Umwene ātumile indumi ukuti une nīse, ukufwima kusitakuhomba. Kangi une akabalilo kosa ngulondesya ifindu bo fifyo, umwe mumenye. Polelo une ndinkwinogona, “Ena . . .” une ndinkuti, “Une ngubukaga. Une ngukétaga linga u Ntwa ikunyitikisyaga une ukubuka.” Une ndinkwiputa. Kangi itolo nu kusita kwiputa mma, kilikyosa kilinkwenda mu njila indalusye yila.

¹³⁷ Une ndinkummwega u Nkundwe Fred Sothmann. Umwene ali apa pabuyo bumo ndukomano. Uli kugu ugwe, Fred? Yula umwene alipo. Ena. Umwene yo yumo gwa bakyunga-fyuma ba kipanga kyitu. Nkundwe Fred amenye ukuti iki kyāyobigwe imyesi mitatu bo kikāli ukubombigwa. Ngimba uko kutalusya, Nkundwe Fred? Kangi, une ngusakikisya, Nkundwe Simpson. Ngimba balinga aba bali nnyumba ikilo iki aba bamenye ikyo, bo kikāli ukuboneka, kyāyobigwe? Fyusya mmwanya ifiboko fyinu. Mwaketa umwe lelo. Kangi ikyene kyāyobigwe pankyeni pa kipanga, katikati iki kikubonekaga. Ena, une ngāmenye ukuti aka kikuyaga ko kabalilo.

¹³⁸ Polelo une ndinkubuka ukwakufika ku—ku nsebwe unywamu Alaskan, kangi Nkundwe Fred alinkwima pa nmini, ukubuka ukufwima imbabala. Ukwene kutali fiyo kunyuma kula ukuyāga imbabala. Polelo uswe mmwanya mu kisu kya ng’osi, kuko uswe twābukaga. Kangi polelo uswe . . . Une nālyegile akayabo ka—ka ikyōko pamo umfu, kangi ndinkusimba pa kipinga-mbēlo. Une ndinkuti, “Lilino, Nkundwe Fred, polelo linga aka ko kabalilo, ugwe kwisakukumbukilaga katikati iki ikyene kisakuyaga.” Kangi umwene ikukumbukila ikyene.

¹³⁹ Une ndinkukindilila ukubuka kula. Ikilo kila bo uswe tufikila ku bugonelo, Bud alinkuti, “Nkundwe Branham!” Umwene alinkumfugatila une nukunyela nyela, ikuyoba mu ndimi nu kulalata, umwe mumenye. Umwene alinkuti . . . Kangi kila, untimang’ombe unkafu ugwaiyolo, yópe. Kangi umwene—umwene itolo ikuntufya Kyala. Umwene alinkuti, “Ugwe umenye fiki Nkundwe Branham? Unnuguna gwangu akagwamo siku nkilisi ukufuma akabalilo kala. Umwene yo nubupelesye ali kanunu kangi nkafu, ikyinja ikitasi.”

¹⁴⁰ Une ndinkuti, “Pene pápo umwene ikwitikaga ikyene, ukwene kukukindililaga injila yila.” Kangi une ndinkuti, “Lilino mbula umwene ukupa u bumi bwake kwa Kristi, nukumbombela Umwene ku masiku gosa gake aga gasyele. ‘Buka kangi ungatulwaga inongwa kangi mma, kisita ikyo

ikindu ikibibipo kikwisaga pa mwene.’ Muketile?’ Une ndinkuti, “Mbula umwene ukubomba kila lilino.”

¹⁴¹ Polelo une ndinkuti, “Une ndi ni mboniboni iyongi,” kangi une ndinkumbula umwene i mboniboni. Une ndinkuti, “Lilino, balipo abinitu abanini na une. Uswe twāli pa bwendelo bwa kufwima. Abene bāli banyambala banini. Kangi yumo gwa abene āfwele i shati ya ndeka, indabelabe.”

¹⁴² Kangi umwene alinkuti, “Ena,” umwene alinkuti, “Nkundwe Branham,” umwene alinkuti, “Une une ngayanayo i shati ya ndeka, indabelabe.” Undumiana gwake, Blaine, kalongo na lwele, alinkuti umwene akaya nayo i shati ya ndeka indabelabe.

¹⁴³ Eddie Byskal, uyungi umwinitu unnini fiyo, unsito ukufwana ma paundi mia yumo na kalongo, umwene alinkuti, “Une gaya nayo yimo nīne, Nkundwe Branham.”

Une ndinkuti, “Ena,” une ndinkuti, “lilino, ikinyamana . . .”

Umwene alinkuti, “Lo luko luki ulwa kinyamana ikylene lwāli?”

Une ndinkuti, “Ikyene kyabonekaga ukuya bo mbabala.”

¹⁴⁴ Umwene alinkuti, “Yikayako i mbabala kuno. Kuno kumwanya fiyo.” Umwene alinkuti, “Lumo ikylene kyāli swēla.”

Une ndinkuti, “Iswela yili nu lulatikano.”

Alinkuti, “Uko ko kutalusya.”

Une ndinkuti, “Iki kyāli ni mifwa.”

¹⁴⁵ Umwene alinkuti, “Ena, Nkundwe Branham,” alinkuti, “uswe tukubuka ku kisu kya ng’osi, komma i kisu kya mbabala pamo ikindu kimo bo ikyo.”

¹⁴⁶ Une ndinkuti, “Ena, ubwene pamo bo bwendelo ubungi. Nkundwe Arganbright . . .Ukwene lumo kwabagile ukuya ku Alaska kubuyo bumo,” une ndinkuti, “ ’nongwa yakuti ikylene kyāli kindingo kya grizzly, ikinywamu fiyo.”

Umwene alinkuti, “Ngimba luko luki ulwa kindingo ikylene kyāli?”

Une ndinkuti, “Kūsulo-siliva.” Kila kyo kifumuke ukukinda fyosa ifyene.

¹⁴⁷ Umwene alinkuti, “Une ne mbikisiyi. Une ndimo mmatengele muno u bumi bwangu bosa. Une ngakibonamo siku i kyakūsulo-siliva.” Alinkuti, “Une nkibwenemo ikindingo ikwabwila ikyaiyolo. Loli,” alinkuti, “Une ngakibonamo siku u siliva-kūsulo, ngakibomano siku kimo mbumi bwangu.”

¹⁴⁸ Une ndinkuti, “Ena, filipo fimo, kimokyene ku buyobumo, kangi une ngupakummwega umwene.”

Umwene alinkuti, “Une nguyobaga ukuti ubo bo bwanaloli.” Umwene alinkuti, “Une nguyobaga ikyo.”

149 Uswe tulinkunyamuka, amasiku matatu pankyeni pake. Uswe tulinkutendeka ubugonelo kulakula, pala pamwanya pa bakekamatapwa.

150 Kangi Kyala ndula une, linga abene babagile ukwitugasya lulalula mpaka ku Fyinj'elifu, unko une nje nu bumi akabalilo ka Fyinj'elifu. Une itolo ngwikyela ukoga nkipeligwa kula. Oh! Aligwesa uyu atoligwaga ukumbona Kyala kula, yo—yo mfwamaso, gwamapuli, kangi gwakinunu. Itolo ukumbona Umwene ikwindalika Mwene mfyamba ifikulumba, ifinywamu! O, mwe! Ubusoloke bukukolela ku busoloke, polelo, kangi pamwanya pala kalipo itolo akabalilo akalwimiko.

151 Polelo uswe tulinkufyuka i kyamba kimokyene. Ugwe itolo kufimbilisigwa ukwenda mbugolosye, bo *lula*, itolo ikukifyuka ikyene. O, nagamo na matapwa, itolo yi ndeke ya mbabala yo yene iyi ugwe kuketa. Uswe tukinkuketa imitu gya ng'osi malongo matatu pamo mana. Yikalipo nayimo ingulumba ukufwana ukuti twege. Ukwene kwali itolo utunini sindagwakusyungutila, kangi butatu-mwa-fina ukusyungutila. Une—une nalondaga yimoyene inywamu ukufwana ukusoka ukufuma mula pamopene, polelo mukubuka kubutali bo kula kunyuma. Polelo uswe. . . Une ndinkugomokela.

152 Kangi ilisiku ilikonge uswe tulinkwanda ukukilania, kangi Eddie agwile mmisi akabalilo kako umwene ukunyela ukukilania, ifilato ifinyamu afwele.

153 Ukubuka ku lubafu lwa kyamba, Bud alinkwima kangi alinkuti, “Unko une nege amandalasi gako, Billy.” Une nginkumpa amandalasi.

154 Uswe twendaga akayabo, nukuyoba isya Ntwa, nukuywega, kangi ukubopa kuno-na-kula ku lubafu lwa kyamba, itolo ukuya na kabalilo ka lutufyo. Ukwene kununu ukubuka, ubwendelo bwa lufwimo, linga ugwe kubuka na bakundwe.

155 Kangi polelo umwene alinkwega amandalasi gangu. Umwene alinkuti, “Nkundwe Branham, pala po yilipo i ng'osi yako. Silipo ukufwana lwele isya isyene silambalele ukufwana amamailosi mahano-na-mabili, palapala pala pa mwanya kila ikitupuke ikingi. Két'isyene. Siketa isyene palikimo?”

Une ndinkupimba mmwanya. Une ndinkuti, “Une nguyobaga, pala isyene silipo, katikati.”

156 Umwene alinkuti, “Ena, uswe kifwene nukuti itolo tugomokele pasi, ukwanda ndubunju ukufwana isala ya butatu.” Alinkuti, “Uswe tubagisenie ukuya pamwanya pala pa sala ya lwele na yimo, pamo ukufuma pa sala ya kalongo. Ing'osi syaiyolo sisakuyaga silambalele pasi. Ako kisakuyaga itolo ko kabalilo.”

Une ndinkuti, “Fyo findu fiki ifingi ifi fikwendendeka pala?”

157 Alinkuti, “Sila syo mbabala.” Une ndinkuti... Polelo, amamailosi mahano na limolyene kubutali, umwe mumenye, ikyene kikafu ukulingania mumo isyene syabonekelaga.

158 Kangi polelo, ukufuma pala ukubuka kunkyeni, amamailosi abamia bahano-na-yumoywene, injila iyi kihobe ikipululukila, kakayapo nakakayila pamo amakato. Kangi akabalilo kako ugwe kutika i Kiloboko kwa Kubwingilil’ilisuba, ugwe kubuka ukufwana amamailosi aba mia lwele ukubuka ku Vancouver, kukayapo naka kambakasya ka bwigufu mma. Kangi ubwigufu ubukonge, ukubuka kubwa *kuno*, yo Anchorage, ukufwana amamailosi aba mia mahano-na-mabili pamo lwele. Ukugomokela kubwa *kuno*, ugwe kubopelaga nkaya kanini, Yellow Knife, kuko ugwe kwisa mu sitima mula kamokene pa kyinja panongwa ya ba Eskimo. Kangi, ubukonge, ugwe kutikaga Russia. Polelo, ugwe naloliloli kuyaga kwa gwimwene. Kula kokuko Kyala abagile ukwegako ulutusyo Lwake, pa mwanya pala, ukufuma ku ndamyo syitu syosa ni ngelo isi tukumbikamo Umwene. Polelo une niganile ukubuka mmwanya mula nukuyoba ku Mwene akabalilo kako Umwene ikutusya, umwene muketile, popapo polelo akabalilo kako mumo ukwene kwāyilile ikilo kya mmayolo pa—pa sitima.

159 Polelo akabalilo uswe twagomokile, kangi ulubunju lwa kilabo uswe tulinkwandako nukulābila. Ukufwana isala ya lwele, uswe twasyungutile isingi na filifyosa, mpaka uswe twafikile ku mwanya kwa kyamba. Kangi pa nsebwe ukubuka pa mwanya, apa yilinkubuka ing’ombe mbabala iyaiyolo, kangi ingambako inywamu-bununu. Umwene alinkubuka, alinkwanda ukufyuka pa kyamba, kangi imbembe indukano pa mwene. Kangi une ndinkuti, “Ena, kangi iyo yo mbabala yakwanda iyi une ngetilemo mmatengele, yandisu. Une ngisamo siku mmwanya bo ulu siku.”

Umwene alinkuti, “Ena. Iyo yo mbabala.”

160 Polelo uswe tulinkubuka pa kāmba nukukéta. Ing’osi yikaliko kula. Polelo Bud na une tulinkwendendeka ukusyungutila. Kangi Eddie alinkwanda ukutelemuka ukusyungutila, kangi Blaine, undumiana gwake, ukulondesya ukusyungutila ifinyamana.

161 Kangi uswe twalyendile ukukilania apa, kangi, o, mwe, une ndinkulalata itolo, “Lwimiko kwa Kyala!” Une ndinkukéta pási pala, kangi pala fyalipo fila ifwamba ifinywamu ifya matalala-pamwanya, indeke ya mbabala iya yelo pasi pa matalala. Kangi itolo pási pala palinkwisa imipiki igyandeke bwila, igi gyo mipiki imipimba. Kangi tulinkufika panutalipo panandi, pala palinkuyapo ubulenge, bukesefu. Ukukindapo panandi pala, gyālipa imipiki gya aspeni, yelo. Fyosa fikwindalika mwa sumbi pási pa ikyene. O, mwe!

¹⁶² Bud na une tulinkubika itolo ifiboko fyitu ukusyungutila yumo nu nnine, kangi itolo ukumoga akamogo akanini ukusyungutila kula, itolo ukulalata kangi ukuywega, nukuntufya Kyala. Kangi uswe tulinkwitugasya pási na maboko gitu ukusyungutila yumo nu nnine, kangi itolo ukuntufya Kyala. Kangi twáli na kabalilo akanunu, une ngusakikisya, ukufwana isala sibili.

¹⁶³ Kangi une ndinkuti, “Yoba, fiki fibonike kwa Eddie?” Uswe twānkolelaga umwene “u Myana.” Polelo, uswe tulinkugomokela. Uswe tulinkubuka ukukilania akāmba. Une ndinkuti, “Umwene akābagile ukuyonga pamwanya apa.”

¹⁶⁴ Kangi alinkuti, “Umma. Blaine ali ku nyuma ukukilania kula pa buyu bumo, kangi umwene yo Mwenye.”

¹⁶⁵ Polelo uswe tulinkukéta ukusyungutila, kangi une ndinkuyibona i kamera ya filimu yilambalele pala. Une ndinkuti, “Yila yo ya Eddie.” Une ndinkukéta ku nyuma ku kām̄ba. Kangi une ndinkubuka ukukilania injila *iyi*, kangi umwene ābukile injila iyingi.

¹⁶⁶ Kangi Eddie alinkubuka ali, “Sh-sh-sh-sh.” Umwene ākabendekelága akanini, akambabala akanyambala. Kangi umwene ayaga pakummwega umwene ukugomokela pási, ukundesya umwene ku binake ba kiMwenye aba umwene ayaga gwamisyoni kubene. Polelo, umwene alinkutusulila imbabala yila. Uswe tulinkubuka pási nukuyisuka iyene.

¹⁶⁷ Ukugomokela, ukwene kwáli ukufwana isala yimoyene. Uswe tulinkusyaga ifalasi syitu isyakwitoga kangi, pabutali ukufwana sinda gwa mailo, kuko isyene syālimile. Kangi uswe twālimile pala. Umwene alinkuti, “Nkundwe Branham, ugwe gwiganile ukwenda?”

Alinkuti, “Une naloliloli ngubomba.”

¹⁶⁸ Umwene alinkuti, “Linga uswe tukupima ikyamba iki... Ing’osi sila syābukile ukukilania injila *iyi*, kangi syābukile pási nkibwina ikingi kila, lumo. Linga isyene sikābombile, syābukile ukugomokela injila iyingi *yila*.” Alinkuti, “Unko uswe tundeke Eddie na bala tugomokele kunyuma, kangi ukubuka ukukilania injila indumuligwe pási *apa*, nukwega i falasi iyakwitoga iyangu kangi i falasi yakwitoga iyako, nukupimba imbabala ku bugonelo. Kangi uswe tukwendaga itolo ukufyuka ukukilania apa nukutika ubuyo bula. Kangi uswe tubagisenie ukwingila mula ukufwana isala ya kalongo pamo kalongo na yimoyene ikilo *iyi*.”

Une ndinkuti, “Kanunu. Uswe tukubombaga ikylene.”

¹⁶⁹ Polelo, uswe twālimile pala. Uswe itolo twālimile ikitini kya nswi, kimo kimo, aligwesa gwa uswe. Kangi uswe twāsyilile pási pa ndeka, iswi *iyi*. Kangi unkati gwitu, uswe twāgubikila mu shati syitu, kangi twāsisisye amafuke mpaka ugwene

gwāli mbulundane bumobwene ubunywamu. Loli ugwe gwāli nnunu, akabalilo kako ugwe uli ni njala. Kangi ugwe nnunu mosa. Polelo, uswe tlunkwima pala.

¹⁷⁰ Kangi une itolo nākelenganiaga. Kangi une ndinkukéta ukwisila mu mandalasi. Une ndinkuti, “Bud, kéta apa. Ngimba kila kyo fiki pala?”

¹⁷¹ Pabutali ukufwana amamailosi matatu, pala palinkulāmbala imbabala yila. Kangi iyene yāli ngindane. Yikāli ya bulatikelatike; iyene yāli mifwa iminywamu. Une ndinkuti, “Ugwe kukumbukila? Kéta kuno. Pala pali kila mbupapate, itolo katikati. Kangi pala kilāmbalele ikinyamana kila, itolo injila yila.” Une ndinkuti, “Kilipo ikindu kimokyene iki kikupinga imboniboni, u mundu yumo ni shati ya ndeka, indabelabe.” Kangi pala palinkwima Eddie afwele i shati ya langi ya ndeka, indabelabe. Une ndinkuti, “Une ninogonaga ukuti ugwe ukāli nayo yimo mma.”

¹⁷² Umwene alinkuti, “Unkasi gwangu abagisenie ukuti ābikile yila mbupanganio. Akabalilo kako une nāgwile mmisi, mmayolo, nāli, nāpigulaga amashati.” Umwene alinkuti, “Une ngāmenye umwene unkasigwangu ābikelemo iyene mula, Nkundwe Branham. Une nsulumenie une ngubulile ugwe ikindu kimo ikisobi.”

Une ndinkuti, “Ugwe itolo gwāfimbilisigwe ukubomba ikyo, mwanundumiana gwangu.”

¹⁷³ O, Bud alinkwanda ukulalata. Umwene alinkuti, “Ugwe ubagile ukwima papapa apa nukuntusulila umwene, kubutali amamailosi matatu. Bule ugwe, Nkundwe Branham?”

Une ndinkuti, “Ukufwana ni mboniboni, une nāli palapala pa mwene.”

¹⁷⁴ Umwene alinkuti, “Nkundwe Branham, une ngukubula ugwe, ugwe kubukaga bulebule ukukilania kula?”

Une ndinkuti, “Une ngamanya, loli une ngubukaga kulakula kula.”

Polelo umwene alinkuti, “Ugwe kubukaga bulebule?”

Une ndinkuti, “Ukubuka ukusyungutila ubupapate ubu.”

¹⁷⁵ Umwene alinkuti, “Lila lyo lyalabwe.” Kangi une... Alinkuti, “Linga ugwe kuseleleka, ugwe kwisakuyaga ukufwana amatāni elifu aga matalala pa ugwe, ukufwana mu sekondi yimoyene.”

¹⁷⁶ Kangi une ndinkuti, “U Ntwa isakupakikisyaga isya ikyo. Iyo yo njila iyi une nābukile, palapala nkyeni ukusyungutila.”

Umwene alinkuti, “Ena, une ngukulondesyaga ugwe.” Apa umwene ikwisa.

¹⁷⁷ Kangi abalumiana aba balinkuti, “Uswe tukusyalaga apa lilino mpaka uswe tukubonege ugwe gwegile i mbabala,”

kangi abene balinkuti, “polelo uswe—uswe tukukindililaga pási, ukwegwa i falasi nukukindilila nkati. Uswe twisakwagana na umwe pási kubumalikisyo, ukufwana, o, ukufwana mamailosi mana pamo mahano pási.”

Umwene alinkuti, “Umma ndaga.”

¹⁷⁸ Polelo uswe tulinkwandako ukusyungutila, Bud na une. Isala ukufwana sinda-gwa-sala, uswe tulinkubomba palapala ukusyungutila. Kangi i mbabala yila yilāmbalele palapala pala, yikuketa kunukuno kwa uswe, kangi yikātubwenepo uswe siku. Umwene ābagile ukuti āli ntulo. Kangi tulinkubuka ukukilania akatumule akanini, kangi ukugomokela, kangi ukufyuka mbusyungutile bwa ma yādi malongo matatu ga umwene. Pala umwene ālambalele. Ikinyamana iki ikipapate, ikinywamu, kilinkusumuka mmwanya ukufuma pala, kangi une ndinkumwega umwene.

¹⁷⁹ Kangi akabalilo kosa aka uswe twālitugésye pala, ukwegwa imbembe, na fyosa, ukufwene ku yene, bo lula, Bud alinkuti, “Ngimba gwatigi imbembe isi syāli ama inchi malongo-manana-mabili?”

Une ndinkuti, “Isyo syo katikati kotalusya.”

¹⁸⁰ Umwene alinkuti, “Nkundwe Branham, isyene sibagile ukuya mia-yumo-malongo-manana-mabili,” untu unkulumba unywamu.

Une ndinkuti, “Umma. Iyene yo itolo katikati malongo-manana-mabili.”

Alinkuti, “Une ndinago undisi gwakupimila pala.”

Une ndinkuti, “Komma ukwilamwa ikylene?”

Umwene alinkuti, “Umma, nkulumba.”

¹⁸¹ Umwene atile, “Loli, gulila panandi, ngimba ugwe ukālimbulile une ugwe gwisaga ukwegwa u kindingo gwa grizzly unnywamu bo ugwe ukāli ukugomokela pási? Pisakuyapo u siliva-kūsulo, bo ukāli ukugomokela kuko u ndumiana yula āli, uyu afwele ishāti ya langi ya ndeka?”

Une ndinkuti, “Isyo syo bwanaloli.”

¹⁸² Umwene alinkukéta kangi pási pa kām̄ba. Ena, kikayapo i kindu ikitali bo *lula*, nakimo napanandi. Itolo i ndeka, yo yosa ugwe kukéta, mamailosi na mamailosi, itolo utwamba tutwingi utwa ndeka. Umwene alinkuti, “Ngimba umwene yo kugu, Nkundwe Branham?”

¹⁸³ Une ndinkuti, “Umwene abagile ukupa kimo. Umwene āyobile lulo.” Une ndinkuti, “Komma ukwilamwa ikyo, Bud?”

Umwene alinkuti, “Umma, nkulumba.”

¹⁸⁴ Ena, tukusuluka pa kām̄ba, uswe tulinkwisa bo *ulu*. Umwene āpimbaga i ndusu pa kabalilo, kangi une nāpimbaga untu, polelo nukusanukana. Itolo ukufimbilisigwa ukwenda ndubafubafu,

ukusuluka, imbembe innywamu sila itolo ukung'wala mu ndeka. Kangi uswe tulinkufika nkati mwa mailo yimo iya ikylene. Uswe tulinkwima nukukéta ukusyungutila. Umwene alinkuti, "Ikingingo ikyaiyolo kila kininupo kyānde ukwibonesya, nule umwene?"

Une ndinkuti, "Fiki ugwe—fiki ugwe fikukutamia?"

Atile, "Nakimo."

¹⁸⁵ Uswe tulinkukindilila mpaka uswe tulinkutika ibwe lya matalala ukwisa ukukilania. Uswe tulinkwitugasya pala kangi tulinkutalalisigwa panandi. Umwene alinkuti, "Nkundwe Branham, inogona itolo isya ikylene," alinkuti, "uswe tukayanayo ukukinda ukufwana, o, ukukinda sinda gwa mailo mpaka uswe tukutika abalumiana bala, kangi pa buyo bumo pakati pa apa na kula ugwe kwisakugogaga u siliva-kūsulo."

¹⁸⁶ Une ndinkuti, "Uko ko kotalusya. Uko ko kotalusya." Umwene āyobile. . . Une ndinkuti, "Ugwe kwilamwa ikyo, Bud."

¹⁸⁷ Umwene alinkusumuka nukunyega une pa kiboko. Umwene alinkuti, "Nkundwe Branham, unkundwe gwangu akayamo siku ni kisilisi ukufuma pisiku lila mpaka pa ili." Umwene alinkuti, "Kyala uyu abagile ukukubula ugwe isya nkundwe gwangu, akabagila ukukusyoba kwa ugwe."

Une ndinkuti, "Bud, umwene isakuyaga pala."

Umwene alinkuti, "Ko kugu kuko umwene ikufumilaga?"

¹⁸⁸ Une ndinkuti, "Une ngamanya, loli," Une ndinkuti, "Bud, une ndi malongo-mahano-na-fibili," (lula), kangi une ndinkuti, "Une ngetile imboniboni, ukufuma ndi mwāna. Kangi akabalilo kako une nāyibwene i mbabala iyi apa, yigogigwe, kangi ugwe uketile linga imbembe syake sikaya ma inchi malongo-manana-mabili. Kangi polelo, imboniboni yilayila, une pa nsebwe gwangu ukubogomokela pási kuko abinitu bāli, aba une nali nabo, une nāgogile i kindingo siliva-kūsulo, grizzly."

Emwene alinkuti, "Nkundwe Branham, une mbagile ukuketa ukufika mamailosi malongo-mabili."

¹⁸⁹ Umwene alinkuti, "Kyala ikufimobilisigwaga ukunkwabila mmwanya umwene ukufuma panja pa mfu, pamo ukuntwala umwene pási ukufuma myanya, pamo i kindukimo."

Une ndinkuti, "Komma ugwe ukupasya. Umwene isakuya pala."

¹⁹⁰ Uswe tulinkubuka ukongelelapo amayādi mia yumo. Umwene ali itolo ukufwana akatelele yópe. Iki kyāli kisito ukufwana amapaundi mia-yumo-na-malongo-mahano, ikukumbukisyo iki. Polelo, ukusuluka pa kām̄ba, kangi umwene—umwene alinkukitugasya pási. Umwene alinkuti, "Whuu! Une ndikifuki ukutolwa."

¹⁹¹ Une ndinkuti, “Ena.” Uswe tulinkwisa pa akanini akapimba, akasingi akapimba akabalilo kala, ukufwana ubutali *ubu*. Syālipo ingwāle innandipo sikupuluka ukusyungutila, kangi syālipo inguku syandisu, kangi polelo une ndinkusopa utubwe tumo ku syene bo lula.

Polelo umwene alinkuti, “Ngimba ugwe ulilemo yiliyosa ya syene inguku syandisu?”

Une ndinkuti, “Umma. Une ndikusubila mma.”

¹⁹² Umwene alinkuti, “Isyene syo nyafu. Isyene sifwene itolo ni ngwāle.” Umwene alinkuti, “Nkundwe Branham?” Ikufūla ikitili kyake ikinywamu ikyaiyolo ikititu, ikwikupulila mwene. Alinkuti, “Akabalilo kafwene ukuti ikindingo kyaiyolo kila kibonekege, bule ikyene, ndumbiana?”

Kangi une ndinkuti—une ndinkuti, “Bud, ugwe kwilamwa kila.”

¹⁹³ Umwene alinkuti, “Umma. Une ndikwilamwa’mma. Loli, Nkundwe Branham, une—une—une itolo ngutoligwa ukupilikisya.”

¹⁹⁴ Une ndinkuti, “Nine ngutoligwa. Ikyene kikaya kwa une ukupilikisya. Ikyene kili kwa une ukwitika.” Ameni. Kyala ku Mwanja ikumanywa i findu ifi fyo fyabwanaloli. Ngimba une mbagile ukwima apa nukuyoba iki, ikyene kikaya kyābwanaloli?

¹⁹⁵ Polelo une ndinkwanda ukusyumbutuka, ukumpa umwene i ndusu, kangu une ukupimba untu. Kangi une bo ngusyumbutuka, une ndinkuti, “Bud, ugwe ulinago amandalasi gala mmakosi gako. Ngimba kila kyo fiki kīmile pamwanya pala pa lubafu lwa kām̄ba?”

¹⁹⁶ Kangi umwene alinkusopa amandalasi mmwanya. Umwene alinkuti, “O, ndula une,” alinkuti, “linga ikyene yikaya ng’ombe ya lupyu ya munduyumo!” Kikayamo ikindu kya luko nkisu. Alinkuti, “Kila kyo kindingo kya grizzly ikinywamu ukukinda fyosa iki une ngētīlém̄o siku mbumi bwangu. Kangi polelo ndula une, kēta ku lisuba ilya yelo likumulika pa mwene. Umwene yo siliva-kūsulo.” Alinkuti, “Ko kubutali bulebule ugwe kutigi umwene ali?”

¹⁹⁷ Une ndinkuti, “Umwene ali ukufwana amamailosi mabili pa mwanya pala.” Kangi uswe twali kifuki tumalike. Umwene alinkuti . . . Une ndinkuti, “Uswe tukugulila pa fiki? Unko uswe twendege.”

Kangi umwene alinkuti, “Ugwe usisimikīsye isyakummwega umwene?”

Une ndinkuti, “Naloliloli une ngubuka ukummwega umwene.”

Umwene alinkuti, “Ngimba yo ndusunki iyo iyi ugwe kubombelaga imbombo kula?”

198 Une ndinkuti, “Lilino, komma ukupasya isya ikyo.” (Kangi akandusu akanini aka unkundwe yumo ambele une ndukomano akabalilo kamo, ifyinja fimo ifi fikindilepo.) Kangi une ndinkuti. . . (Akanini, insitantengo .270.) Kangi une ndinkuti, “Umma ndaga. Une ndinayo. . . Une. . . Ikyene kikuyaga.”

199 Uswe tulinkumilisa ukusegelela panandi. Kangi akabalilo kosa uswe twasegelelaga, u kindingo yula ābonekága nywamupo mwene. O, umwene ābonekaga ukuya bo kyulu kya lyundu ikinywamu kitugesye pamwanya pala pa ndeka, umwe mumenye. Ukwima, nkulumba, nywamu, ikindu ikipapate, untu ukufwana ubupapate *ubu*, umwe mumenye, i ngego situpwike panja, ifyala ifinywamu ifikulumba. Kangi umwene āpanyulaga isamba sya tuseke twa bluu utunini utu, bo *lula*, umwe mumenye, ukulya utwene. Kangi polelo iyikiesye, nkulumba nywamu mwinitu! Uswe twafikile ukufwana, o, ukufwana ma yādi bamia lwele kifuki kwa mwene.

200 Umwene alinkuti, “Gwe, Nkundwe Branham, ngimba—ngimba ugwe utusulilémo siku u kindingo gwa grizzly siku?”

201 Une ndinkuti, “Une ndusulile ifindingo fingi, Bud, loli une ngatusulilamo siku u kindingo gwa grizzly gwa siliva-kūsulo siku.”

202 Umwene alinkuti, “Ugwe umenye, u siliva-kūsulo yo mulwa gwa balwa gwa bosa abene.”

Une ndinkuti, “Ena, une ngupilikisya ikyo.”

Umwene alinkuti, “Umwene akamanya isya kufwa mma.”

Kangi une ndinkuti, “Ena?”

203 Umwene alinkuti, “Komma. . . Uli kubutali bulebule—bulebule—bulebule ugwe. . . ? Ngimba ugwe kuyaga kifuki bulebule ukummwega umwene na ikyo?”

204 Lilino, umwe itolo ndālusya umwene. Nsimbila umwene u kalata. Une ngwisakubapaga umwene adiresi. Umwene alinkuti, “Unko aligwesa ansimbile une ukufwana ni kyene, uyu ikulonda, pa kalikosa ka findu fila. Unko une mbabule abene.” Kangi polelo. . .

Kangi une ndinkuti, “Ena?” Une ndinkuti. . .

Umwene alinkuti, “Lilino?”

205 Une ndinkuti, “Umma, umma. Une nāli kifukiko ukukinda apa, Bud. Une nāli palapala pamwanya, kifuki nu mwene.”

206 Umwene alinkuti, “Uswe tukusegelela fiyo lilino. Umwene abagile ukutubopelaga akabalilo kalikosa.”

207 Une ndinkuti, “Une nkimenye ikyene. Loli,” une ndinkuti, “Bud,” une ndinkuti, “ukwene kukuyaga kununu mosa.”

208 Umwene alinkuti, “Lilino, akabalilo kako ugwe kutusulila ikindingo,” alinkuti, “lilino, Nkundwe Branhamo, ugwe kutusulila umwene nu nyuma. Ugwe kufimbilisigwa ukunkonyolela umwene pási, panongwa yakuti umwene isakumilisyaga ukulwa, umwene akabagile ukusumuka akabalilo kala.”

Une ndinkuti, “Umma, ukufwana ni mboniboni, une nālintusulile umwene mu ndumbula.”

Umwene alinkuti, “Une ngusubile ugwe ukāsobile napamo pa ikyo.”

209 Une ndinkuti—une ndinkuti, “Une mma.” Une ndinkuti, “Une ngukumbukila ikyo.” Nongwa yakuti, mu—mu mboniboni, ugwe kuya—ugwe kuya mu buyepo bumobwene, kangi mbubili, mumo uswe twālinganisye ikyene ikilo ikingi. Ugwe kuya mbubili. Ugwe ukabagile ukwibwa ikyene. Muketile? Polelo apo po umwe muli.

210 Polelo uswe tulinkwingila kangi, ukufwana—ukufwana ama yādi bamia babili. Kala ko itolo kūlu akanini akabumalikisyo aka uswe twākileniépo. Kangi une ndinkuti, “Ikyo kyo itolo kifwene ikyene lilino. Nkét’umwene. Ngimba umwene akaya yo bumogi?”

Umwene alinkuti, “Ena, une ngusakikisya umwene yo ali.”

211 Kangi—kangi Une ndinkuti, “Umma ndaga, Bud. Lilino akabalilo kako une ngusumuka ukufuma apa, umwene ikwisa.” Kangi une ndinkuti, “Ugwe itolo ketesya.”

Kangi umwene alinkuti, “Une ngukétesyaga.”

212 Polelo une ndinkubika ikikalang’asila mu lipūpa lya ndusu, umwe mumenye. Kangi uswe twāli pási pa kūlu aka. Bo une itolo ngusumuka mmwanya, apa umwene alinkwisa. Mwe, mwe! Une ndinkwima, kutusulila, kangi iyene yilinkupilikigwa ukuya bo katulila-ndima kikuntika umwene. Ndumiana, ikyene siku ukummwimika panandipo umwene, ukukinda nakandu kamo. Kangi, mwe, bo akāli. . .

213 Ugwe kuyoba isya bwengo! Une ngakibonamo siku ikindu kimo bo kila. Umwene, abene babagile ukubopa ukukinda i falasi, mbabala, pamo kalikosa, umwe mumenye, ikindingo kibagile, bo lula. Umwene ikwisa palapala pási pa kām̄ba, kulakula ukwakubwitu uswe, bo lula.

214 Kangi une, bo ngali ukuti nābagile ukubika ikikalang’asila ikingi mu ndusu, umwene alinkugwa afwile, ukufwana, o, ukufwana ama yādi malongo-matatu, mana ukufuma kwa une, itolo ukusanuka kubumalikisyo pamwanya bumalikisyo; nālyegile indumbula, amapapo, kangi fyosa, ukufuma kwa mwene. Ikyene kyāli kipolopolo kya Nosler, umwe mwe basonda-namaboko mumenye. Polelo ikyene—ikyene kyalimpandwīle, kangi umwene alinkugwila uko.

²¹⁵ Bud, imile pala, alinkukéta ukukilania, ali naloliloli nswepe bwelu ukusyungutila akanwa. Umwene alinkuti, “Nkundwe Branham, une ngandondaga umwene pa bupagato lwangu.”

Une ndinkuti, “Nine ngalondaga une.”

²¹⁶ Umwene alinkuti, “Whuu.” Alinkuti, “Une ngulonda ukubula ugwe, ukufuma pápa ikyene kimalike, ndumiana. Linga yila yikáli yimo mwa mboniboni sila, kangí une naketilemo kikuboneka pabutasi, Une ngálisilémo siku pamwanya apa, pa bupipi bula ku kindingo kila, na ugwe.”

²¹⁷ Kangi nayumo gwa twesa twe babili twabagile ukuntetemesya umwene. Umwene ali nsito ukufwana amapaundi elifu, une ngusakikisya, lulo, ikipapate, unnywamu umwinitu. Uswe tulinkutoligwa ukunsuka umwene, uswe tulinkwaga...ukunsosyamo ikipapa. Uswe tulinkwanda ukubuka kula pási. Kangi uswe tulinkuti...“Nkundwe Branham?” Uswe tulinkupimba imbembe. Umwene alinkuti, “Linga i mbembe isyo sili katikati ma inchi malongo-mana-namabili,” alinkuti, “une itolo nguyapakugwa ikisilisi.”

²¹⁸ Une ndinkuti, “Ugwe kinunupo uyege nakyo ikyene lululu lilino, polelo, ’nongwa yakuti ikyo kyo kili ikyene.”

²¹⁹ Umwene alinkuti, “Une ngakibonamo siku iki—iki—a... Ikyene kikuboneka kwa une ukuya ukuti une ngugogwa injosi iyi.”

²²⁰ Kangi akabalilo kako uswe twabagaga abene pási pala, kangi une natigi kwa—kwa Eddie, une ndinkuti, “Lilino ugwe ketesya. Blaine isakubíkaga amaboko gake.”

²²¹ Lilino, umwe mukukumbukila, kálipo akaboko ukusyungutila ulupembe lula. Kumbukilaga, Nkundwe Sothmann, mumo une nākubulíle ugwe ikyene kikuyaga?

Kangi une nātíle, “Ugwe ketésya ikyene,” kwa Eddie.

Kangi polelo Bud alinkuti, “Gulila.” Umwene ayagile i falasi yake ukukilania kula.

²²² Kangi uswe twali ni kindingo pa uswe, umwe mumenye, kangi i falasi sila itolo ukuswanyulania kilikyosa. Umwe mumenye mumo isyene sikubombela linga isyene sikunungusya u grizzly pamo u luko lulilosa ulwa kindingo. Polelo une—une ndinkubuka ukukilania kula, ngolile, ukugela ukukóla i falasi, ikyakwitogela ikya falasi kikugela ukusokapo.

²²³ Kangi umwene alinkubuka kula nukwakwega undisi gwake gwakupimila, nukwisa ikwenda ukukilania pala, ikukéta kwa une, no *lula*. Alinkuti, “Ugweisa kuno, Blaine.” Une ndinkuntika Eddie. Ukubika ugwene pási pa iki. Ameni. Kangi polelo ndula une, ma inchi malongo-mana-namabili, pa mbulo!

²²⁴ Lilino, i mbembe sila sikufóta ukufwana ama inchi mabili akaliko isyene sikúma. U kindingo gwa grizzly yula alambalele

nkipinda kyangu kyafinyamana, kangi imbembe sipayikigwe pa kibumba. U mmang'anyi gwa fipapa âfitendekisye ifyene, nukufitendekesya ifyene. Gulipo undisi gwakupimila gupayikigwe pa syene, ama inchi malongo-mana-na-mabili, katikati.

²²⁵ Lilino, panongwa yafiki abagile Kyala ukumbula u mundu i kindukimo bo ikyo, ukufwana nu bwendelo bwa kufwima?

²²⁶ Akabalilo kako une nâgomokile, mâma âlimbine. Une ndinkubuka ukakunkumbona umwene. Umwene alinkuti, "Billy?" Muketile, Umwene ângasyâga une, ukundendekesya une ku kindukimo.

Une ndinkuti, "Mâma, u Ntwa akabalilo kosa akubumbulwisye ugwe."

Umwene alinkuti, "Billy, une ngubuka ku Kâya ukakwagana na bâba."

"O," une ndinkuti, "yûba, komma ukuyoba bo ulo."

Alinkuti, "Ena, une ngubomba." Une ndinkummwiputila umwene.

Kangi Nkundwe Fred na bosa ba baketi aba bitugesye apa bamenye.

²²⁷ Polelo, i kindi ikyakukonga umwe mumenye, abene balimbikile umwene nkipatala. U dokotala yôpe akâménye mma iki kyatamisye. Ena, une ndinkusôka panja ukwakummwiputila umwene. Alinkuti, "Mwanangu, une ngubuka." Kangi lilino, u mâma gwangu alu mu luko lumo nkikulu gwa maka, mu njila yiliyosa.

²²⁸ Ilisiku limo, amasiku mabile ukufuma pala, une ndinkwingila nkati. Umwene imaga pala, ikuketa kulakula ku Kumwanya. Umwene alinkuti, "Billy, une ngukuketa ugwe."

Une ndinkuti, "Fiki, naloli, mâma." Alinkuti, "Une ngukubona ugwe papapa apa."

²²⁹ Umwene alinkuti, "O, ugwe uli nkangale fiyo, Bill," alinkuti, "inywili syako inyelu ni ndefu itolo sikwelela palikimo. Ugwe uli ni kiboko kyako ukusyungutila ikipingika, kufikila kwa une." Une nâli ni fundo innunu palapala, kila kyali kyene.

Lilino, umwe bakundwe kuno mumenye kila ukuya bo bwanaloli.

²³⁰ Ilisiku ilikonge lyâli Ndungu. Une nâlumbililaga. Abene balinkundumila i lisyu, "Ugwako . . ."

Une ndinkuti, "Une ndikwitika ukuti mâma ikubuka. Kyala akabalilo kosa ikumbonesya une, abandu bangu bikubuka. Loli, mâma, Umwene akâmbonísye une nakimo ukufwana na ikyene." Apa palinkwisa i ndumi nkati. Kangi une nâli palapala pakati pa Ndumi yangu, bo ulu. U munduyumo alinkwingila

nkati, alinkuti, “Bukaga, bukaga kwa m̄ma gwako lululu ulu. Nkomela umwene i simu. Umwene ikufwa, i miniti iyi.”

²³¹ Une ndinkuti, “Bufwe, nkoleda umwene tasi. I Lisyu Iya Kyala Iyo likulondigwa fiyopo ukukinda ikyo.”

²³² U nnyambala itugesye papapa apa, Nkundwe Borders. Ukufuma pápo ububombelo bumalikege, une ndinkubuka ukwakumbona u m̄ma gwangu. Une ndinkwagana na Nkundwe Borders. Umwene alinkuti, “Nkundwe Branham, ugwe ukafika na ma fiti mahano-na-limolyene, loli une numbwene u nnyambala gwa mafiti-kalongo ulubunju ulu.”

Une ndinkuti, “Nkundwe Borders, Kyala isakupakikisyaga isya fyosa ifyo panongwa ya m̄ma.”

²³³ Kangi a masiku manandi ukufuma apa, abene balinkungōlela une ukufuma ku kipinda, kangi umwene naloliloli ābukaga. Abungenie mula abāna, bimile ukusyungutila ikitala. Une ndinkuti, “M̄ma, ngimba ugwe naloliloli kubuka?”

Umwene alinkuti, “Ena.” Polelo umwene akabagile ukuyoba kangi mma.

²³⁴ Une ndinkumilisa ukumbula umwene, “Ngimba Yeso ikusanusya fiki kwa ugwe, m̄ma?” Une ngukumbukila ngumōsya umwene mu Ngamu Yake, liyolo, panja mmisi. Une ndinkuti, “Mbula une iki Umwene ikusanusya lilino.”

Umwene alinkuti, “Ukukinda ubumi kwa une.”

²³⁵ Une ndinkuti, “M̄ma, linga ugwe kubuka, une ne ndumiana gwako, u . . . u ndumbilili. Une ngulonda ukumanya, ukufuma kwa m̄ma gwangu uyu ikubuka ukakwagana na Kyala. Une ngulonda ukukola ikiboko kyako apa, yūba.”

Alinkuti, “Une ngulonda ugwe ubombe.” Une ndinkumilisa ukukola ikyene.

²³⁶ Umwene alinkutoligwa ukuyoba. Kwabonekaga ukuya ukuti umwene āsililikaga, ikisyo kyake. Une ndinkuti, “Ugwe ukabagila ukuyoba kangi mma, m̄ma?” Umwene alinkutoligwa ukutendeka . . . Une ndinkuti, “Pilikisya. Ngimba Yeso akāli itolo yulayula kwa ugwe?” Umwene ābagile ukwitikisya nu ntu gwake.

²³⁷ Polelo umwene alinkufika ku buyo umwene alinkutoligwa ukwitikisya nu ntu gwake kangi mma. Une ndinkuti, “M̄ma, ngimba Yeso yo kilikyosa kwa ugwe lilino? Umwene ikwisila ugwe, mu miniti. Kilikyosa kwa ugwe?” Umwene alinkutoligwa ukwiguta.

²³⁸ Une ndinkuti, “M̄ma, ugwe ulinakyo i kindu kimokyene, ugwe . . . Une ngubwene ugwe kukupisya amaso gako. Linga Yeso akāli ikusanusya itolo kilakila kwa ugwe mumo Umwene āyilile bwila, ilisiku ili une nakōsisye ugwe mmisi, kupisya amaso gako

nubwendo fiyofiyo.” Umwene alinkukupisya amaso gake, kangi amāsosi gikubopa pasi, bo *lula*.

²³⁹ Kangi a Kāmbelo akanini kalinkwisa, kakupyagila nkipinda. Māma alinkubuka ku Kāya.

²⁴⁰ Une ndinkwisa ku kaya, ndinkubuka ku nyumba ya mfwa, ukupimbano imyenda gyangu. O, umwe mumenye mumo ikyene kiyilile. Umwe mwafimbilisigwaga ukubomba i kindu kilakila. Abāna bosa bikukúta, yumo pási pa buyo bumo, kangi yumo, pabungi. Une ndinkuti, “Māma ali yo liyengo-kikomo. Uswe tutisakuyamo siku lulalula kangi mma.” Doc ni kikolo kyake mu nguto *iyi*. Jesse ni kikolo kyake mu nguto *yila*. Uswe twafumaga itolo ukusyila Howard, lululu ulu. Une ndinkuti, “Ena, uswe tubukile, balumiana.” Une ndinkuti, “Uswe twisa... Uswe tutisakwisaga ukubonana yumo nu nnine mma. Māma āli yo kikomo.” Une ndinkuti, “Uswe tutisakubonanaga yumo nu nnine, komma kingikingi kangi mma lilino.”

²⁴¹ Une ndinkubuka ku kāya, nkilo, ukufuma pápa uswe twalyegileko imyenda gyitu. Une ndinkubuka ku kāya.

²⁴² Nka. D’Amico, yumo amenye umwene, ukufuma ku Chicago? Ayile mwinangu fiyo ugwa lusanio. Umwene ālimbele une ili Bangeli. (Nhobokela une.) Kangi ilyene lyāli limo mwa gala ma Bangeli ga masimbo-makesefu na zipi pa lyene. Kangi u munduyumo, akabalilo kako une nālumbilile ubulumbilili bula, *I Ng’osi Ni Ngungubiya*, abene bālundumila utungungubiya tubili, ukuya twākukoleléla. Unkundwe uyungi ugwangu, Nkundwe Norman, ālindumile une akangungubiya akanini, na ka ng’osi, u Nkundwe Borders gwangu alimbele une a kang’osi. Une ndinkupimba ili Bangeli. Meda ali kula mu nguto yimo, ikukúta.

²⁴³ Kangi mwesa umwe ba Business Men apa mumenye, akabalilo kako une nāli mu Jamaica, numbwene u nkoyi gwangu, ukubabula umwe pa kigemo panja kula mu Jamaica. Une nātile, “Yumo mwa bandu bangu ikufwa, uyu akaya nago amino nagamo. Une mbabwene abene bikubuka.” Palapala pa kigemo, Demos Shakarian na bosa ba abene bitugesye pala. Isala nandi ukufuma pala, u nko-unkikulu gwangu itolo kifuki alinkugwa nukufwa, akabalilo kamokene, muketile, kisita mino, itolo katikati.

²⁴⁴ Une ndinkuti, “Une nālimbwene undumiana untubwa ikufunya ililopa.” Une ndinkukolela, ndinkuti, “Komma ukummwitikisya Billy. . .”

²⁴⁵ Ālipo yumo apa uyu āli ku—ku lukomano lwa ku Jamaica kula pa kabalilo kala ku—ku Jamaica, Kingston? Ngabagile ukukéta. Ena. Balipo babili. Popapo palapala. . .

²⁴⁶ Kangi une ndinkuti, “Ikyene kibagile. . . Billy, komma ugwe ukubuka kumwanya kula. Une numbwene umwinitu untubwa ikufunya ililopa.” Kangi ikyene kyāli yo ndamu gwamu. Umwene

alinkukinda, āli nu konek’ilopa akabalilo kako unna āfwile. Ukwene itolo kulinkunsopela umwene mu luko lumo ulwa bunyomoko.

247 Polelo nimile pala ilisiku lila, une ndinkupimba ili Bangeli ili. Une ndinkuti, “Tāta, une ngamanya. Lumo itolo u lugano Lwako, Ugwe ukālinangisye une ukubuka kwa mwene. Loli une mbongotwike, Kyala. Ngimba Ugwe kwisakumbaga itolo i lisyu limo ilya bubatamisyo ukufuma mu Lisyu Lyako?” Une ndinkuti, “Nyitikisya une itolo ukubala i kindukimo iki kyo bubatamisyo, ikyakubatamisya kwa une.” Une itolo ndinkulileka ili Bangeli ukwiguka bo *lula*. Pala ikyene kyāli, amasimbo amakesefu amanywamu, “Umwene akafwa mma, loli alintulo.” Kangi une ndinkubuka nkipinda. Uswe tukubuka ukugona utulo.

248 Ukufwana pa sala ya lwele, ulubunju ulukonge, ukusumuka. Abene bayaga ukuntendekesya umwene, ukufwana ilisuba lilipantu, polelo uswe tukusuluka nukwakunkéta umwene. Meda alinkubuka panja ukwakwega ifyakulya fya bāna ikyakulubunju, kangi unnini Joe akukúta. Becky mu nguto yimo, akāli ikukúta, “Ngimba une ngwisakumbonamo siku umbuya kangi?”

249 Une ndinkuti, “Ena. Ena. Ugwe kwisakumbona umwene. Umwene ali itolo pisilya, abukile pamwanyapo.” Une ndinkuti, “Umwene, uswe twisakumbonaga umwene kangi.” Kangi umwene abaganile abanike abanini bala, umwe mumenye.

250 Kangi, polelo, kangi abene bākútaga, “Ngimba uswe tubagile ukumbona u mbuya pamusi apa?”

251 Une ndinkuti, “Umwe mubagile ukugubona u mbili ugu umwene ālitugesyemo nkati, loli mbuya afyukile mmwanya ukwakuya nu mbuya uyungi, abene pamwanay ku Mwanya.”

252 Kangi Joe alinkutoligwa ukupilikisya ikyene, undumiana gwangu, umwe mumenye. Umwene itolo alinkutoligwa ukupilikisya ikyene. Umwene alinkuti, “Polelo ngimba u mbuya ikugomokelaga ukusuluka ikilo iki?”

253 Kangi une ndinkuti, “Umma, umma. Une ngamanya umwene ikugomokaga ndili. Akabalilo kako Yeso ikwisa, umwene isakugomoka.”

254 Kangi une nālimile pala. Kangi une ndinkusyumbutuka, ukwenda nkipinda. Kangi bo mbombile . . . Komma ukundalusya une ukulingania ikyene. Yikayapo injila ya kukilingania ikyene. Une ndinkwibona nimwene panja pala, itolo mumo une ngubonekela ukukilania ikilundilo iki. Kangi une nālongolelāga inyimbo. Une ngabomba siku ikyo. Une ngabagila nukwimba, na panandi. Polelo, kangi kyāliipo ikulundilo ikinywamu, ikinywamunywamu ikya bandu.

255 Ku lubafu *ulu*, i—i ki oditoriamu kyaboneka ukuya panja, bo, o, une ngamanya iki ugwe ubagile ukukikōlela ikyene, uluko

lumo lwa kusuluka pa kãmba, kangu u luko lumo bo i ampitiyeta. Kangu icyene kyãli kubutali fiyo kũnyuma, ingingi syãli, mpaka abene bafimbilisigwaga ukufyusigwa mmwanya bo *ulu*, polelo aba bãli kunyuma fiyo bafimbilisigwaga ukukéta kubwa *kuno*. Loli mosa itolo pakatikati. . . Itolo ingindi itatu, bo *ulu*. Kangu palapala pakatikati gyãli itolo bo mikolofwa gĩlundikĩgwe mula, na bãna abasitakukula, abalemale balambalele mikolofwa gila.

²⁵⁶ Kangu une nãfwele i suti inditu, kangu une nĩmbaga, “Batwale abeni nkati, batwale abene nkati, batwale abanini bala kwa Yeso.” Uswe tukwimba kala ku kipanga, kingikingipo, fiyio pakubĩputĩla a bãna. Kangu pala kãlipo, bo i—i bokosi apa, kuko ummogi alitugesye, kangu ikigemo kyãli kifuki ku kila. Loli une nãli pãsi, ngulongolela inyimbo. Kangu pakamokene kosa itolo, une nimile pala, ngwikéta nimwene, polelo. . . O, komma ukugela ukwinogonela icyene, ’nongwa yakuti ugwe ukabagila. Popapo akabalilo kako une nãli *apa*, polelo apene palinkuya *apa*. Une ngamanya. Babili ba abene balinkubuka pamopene. Kangu icyene kyo. . .

Kila kyo kindu kinunu akabalilo kako ababili bako bikubuka palikimo.

²⁵⁷ Une nãli ni kamera pamwanya pala. Ngusuluka pãsi, une ngãmenye ukwega i picha. Une ndinkukéta ukwisila mu kuhano kila, kangu, myana, une nakéta utundu tuhano pamo tuhano-na-kamo. Polelo une ndinkwanda ukukibika amaka palikimo icyene. Billy alinkumbula une, alinkuti, “Kibĩkaga amaka palikimo icyene, kangu utwene tosa tukwisaga ukuya kimokyene.”

²⁵⁸ Iyene yo fundo nunu ukubomba ikyo, umwe mumenye. Ugwe kukéta ifindu mbukindane akabalilo kako ugwe kubuka ukubika amaka palikimo. Kangu bombela i Lisyu lya Kyala ukubika amaka palikimo pa Mwene, kangu ugwe—ugwe kwisa kukéta iki une nguyobapo. Loli kitwala Ikyene ukuya mmakagamo, tasi, umwe muketile.

²⁵⁹ Polelo nimile pala, nguketa, kangu une ndinkubuka mu mboniboni. Kangu bo ndi mula, une ndinkuketesya u mundu umfumuke ikugomokela ku nyuma kwa buyo bula. Kangu abene bãli. . . Une ndinkuti, “Ena, abene bikwisa ku libokosi lya bufumuke.” Polelo abene balinkwisa bikwenda bikufyuka bo *ulu*. Kangu une ndinkwinogona, “Ena, une ngwimbaga kamokene ukuongelelapo bo unkikulu yula ikwisa.” Umwene ãfwele mu njila yayiolo.

²⁶⁰ Lilino, mwe bamo ba umwe bakikulu mwisakukumbukila iki, akabalilo kako abene bafwalaga u luko lwa kifunga, bo, ukusyngutula *apa*, kangu icyene kyãbukaga mpaka na pãsi pa mwanya pa filato ifimogesigwe. Kangu abene balinakyo u luko lwa kimalisigwe. . . Ngimba fyo fiki fila ifi umwe mukufikõlela i findu fila, bo—bo nkikulu uyu afwele apa lilino? Ibulausi

yila. Ibulausi, kimo mwa findu fila bo ikyo, kangi kyāli ni maboko amatali mu kyene. Umwe mukukumbukila ifyene? Kangi yābukaga ukusyungutila ilikosi apa, nu luko lumo lwa kabatani kanini aka kandu kingilaga nkati muno. Popapo, āfwele ikitili ikikulumba ikinywamu, kisendemafu ba lubafu. Kangi abakikulu, amasiku gala, abene bāli ni nywili indali. Polelo abene bakwabaga isyene pási bo *ulu*, kangi ukubika ikitili pa syene, nukubika aka piki mu syene, umwe mumenye, ukusibika isyene palapala, kabuno abene bafimbilisigwaga ukwitoga pa kyakwitogelapalubafu ni findu.

²⁶¹ Polelo u nkikulu uyu isaga pamwanya, kangi aligwesa amuyindikaga u nkikulu uyu. Kangi une ndinkwinogona, “Ena, umwene ikubukaga ku libokosi lya bafumuke.”

²⁶² Polelo, popapo, une ndinkuti, “Kamokene ukongelelapo, mwesa ku lubafu *ulu*, ‘Batwala abene nkati.’ Lilino kubwa *kuno*, ‘Batwala abene nkati.’ Popapo bosa pakatikati, mwesa palikimo lilinp, ‘Batwala abanini bala kwa Yeso.’”

²⁶³ Itolo bo une njobile ikyo, u nkikulu uyu ālingile mu libokosi. Une nābagile ukukéta, akabalilo kako umwene ālingile mu libokosi, aligwesa alinkwima mmwanya. Kangi abene bābombaga u luko lumo bo *ulu*, ukunjindika umwene, kangi umwene abayindikaga abene.

²⁶⁴ Une ndinkwinogona, “Ena, akene ko kabalilo kwa une ukulumbilila. Une ngubukaga ukwiputila abandu ababine bala.” Une ndinkufika pa mwanya apa pa—pa kigemo, bo *ulu*, kangi ilibokosi lyāli palapala, o, ukuya kifuki bo u nkundwe itugesye *apa*. Kangi une ndinkusyumbutuka ukusyungutila, bo *ulu*.

²⁶⁵ Kangi une ndinkwinogona, “Ena, lilino, u nkikulu yula isakwilambikaga kwa une, polelo une nisakunjindikaga umwene.” Kangi polelo akabalilo kako une nāsyumbutwike ukusyungutila, umwene nakalinga itolo alinkubika untu gwake pasi, bo *ulu*. Une nābika untu gwangu pási, bo *ulu*. Kangi akabalilo kako une nfyusyeye untu gwangu mmwanya, akabalilo kalakala, ukwagana nu mwene, umwene āli māma, ntubwa, mmogi.

Une ndinkunketa umwene. Une ndinkuti, “Māma?”

Umwene alinkuti, “Billy.”

²⁶⁶ Kangi itolo pala, ikimwekumweku kilinkwanda ukumwekuka ukusyungutila nkiyumba kila, ifitayataya fikulunduma, kangi ukusenyenda kulinkwisa. Kangi a Lisyu lilinkuyoba, “Komma ukupasya isya māma gwako.” Alinkuti, “Umwene ali lula umwene āli mu 1906.”

Kangi une ndinkuti, “Fiki, 1906?”

Kangi Meda alinkuti, “Ngimba kitamisye fiki na ugwe?”
Unkasi gwangu.

Une ndinkuti, “Lūki, 1906, ngimba 1906 ali fiki?”

Umwene alinkuti, “Fiki?”

Une ndinkuti, “Imboniboni, une numbwene māma imile palapala pala.”

Alinkuti, “Ugwe uketile fiki?”

Une ndinkuti, “Une numbwene māma.”

Alinkuti, “Naloliloli fiyo, Bill?”

²⁶⁷ Une ndinkuti, “Ena. Umwene ālimile papapa apa, kangu umwene āli mmogi. Kangu Umwene alinkuti. . .” Une ndinkuti, “Umwene āli itolo nkikulu ntubwa.”

²⁶⁸ Popapo une ndinkubuka nukwaga ubusimbe bwaiyolo ubwa kikolo. Umwe mumenye iki umwene āli mu 1906? U nsingiligwa gwa tāta gwangu. Kyo kyo kinyinja iki umwene ālyegigwe. Lilino umwene yo kiyabo kya Nsingiligwa uyungi, u Nsingiligwa gwa Ntwa Yeso.

²⁶⁹ Umunduyumo ukufuma ku buyobumo alinkundumila une i sumuni. Une ndinayo iyene mu nyambi yangu, 1906.

²⁷⁰ “Kangu Umwene, u Mbepo Mwikemo, akabalilo kako Umwene isile, Umwene isakusetulaga ifindu ifi kwa umwe ifi Une njobile, kangu isakubonesyaga umwe ifindu ifi fikwisaga.”

²⁷¹ Lilino, ngimba kyo fiki ikyene? Ulwendo ulwabufwimi bwanjegaga itolo une, umwe muketile. Lumo lwa myendelo innunu ukukinda gyosa igi une mbukilemo siku, mmenye kila, ulunyomosyo ulukulumba ulu. Lula lwāli lugano. Kangu, nkundwe, kalumbu, linga imboniboni syosa isingi isi sili ndalusyi nubupelelesye, isya ifi u Mbepo Mwikemo anangísye, ikyene kibagisenie ukuya Mbepo Mwikemo. Ili Bangeli liyobile, ukuti, “Linga ikyene kisakubonekaga, polelo ikyene āli Mwene.”

²⁷² Popapo, lo lusubilo luki ulu uswe tulinalo! Ilisuku limo uswe tukusokāngapo u buyo ubu. Uswe tukugomokela ku nnyambala nu nkikulu untubwa, na siku ukufwa kangu mma. Une kinunupo mmanye ikyi ukukinda ukumanya ukuti une nayaga pa kuya pulezident gwa kisu kyosa kangu ukuya nu bumi ku finyinja elifu-elifu. Une kinunupo ukumanya ukuti une nāli nkiboko kya Kyala.

²⁷³ Kangu une nhobwike ukumanya, ikilo iki, ukuti u Yeso yulayula uyu ātendike ubuyobelo bulabula, Umwene ali apa, ukufuma pa finyinja maelifu mabili. Muketile, Ikyene kikabagile ukumalika. Ikyene kyo Syepwa. Kangu Umwene yo itolo yulayula Yeso ikilo iki uyu Umwene āli ilisiku ili Umwene ātendike ubuyobelo ubu. Kangu Umwene pōpe isakusisimikisyaga i Lisyu lila, linga uswe tukwitika Ikyene. Ngimba umwe mukwitika ikyo?

²⁷⁴ “Akabalilo kako Umwene, u Mbepo Mwikemo, isile, Umwene atisakwiyobela isya Mwene mma. Loli Umwene

isakwegaga i findu, fila ifya Une,” ilyo lyo Lisyu, “kangi isakunangisyaga ifyene kwa umwe. Kangi palapa, pópe, Umwene isakubanangisyaga i findu ifi fikwisaga.”

275 Mwa Buku gwa—gwa Bahiburi, untu gwa 4, ili Bangeli lyāyobile, “I Lisyu lya Kyala lipyasye kanunupo . . .”

276 Lilino, Ywani āli yo Lisyu? Yeso. “Ku bwandilo āli yo Lisyu, kangi u Lisyu āli na Kyala, kangi u Lisyu āli Kyala. I Lisyu lyabumbigwe ukuya mbili. Ukwitugasya . . .”

277 “I Lisyu lya Kyala lipyasye ukukindapo ukukinda ingwebo imbyasye kubili-kosa, ukulasa kópe na pakati, kangi nkati nkifupa, kangi yo Nketi gwa minogono mu ndumbula.”

278 Uyo yo Kyala gwitu. Uswe tukayonga, binangu. Uswe tukāli mu lipyana lya Kyala. Une—une ngwipilika, ukuyoba isya kalikosa, kangi ukuyoba isya i tensi yayolo . . .Kangi mumo une nāyobile ikilo kya mmayolo, bo abafundigwa bala bagelaga ukuya nu bumi pa lukomano ulu abene bāli nalo ilisiku ilitasi, ukugūlila ku lungi, loli balinkwibwa yu Mpeli yulayula ugwa mbelo na mayiga ālambalele mu bwato mula.

279 U Kyala uyu āli pamwanya pala mfyamba fila, ukubikapo yula grizzly ugwasiliva-kūsulo, ukufwana ni Lisyu Lyake, ili lambalele pa kipala, ukuya buketi.

280 Lilino, linga umwe mukulonda ukunsimbila u nnyambala, itolo simba Bud Southwick, S-o-u-t-h-w-i-c-k, Bud Southwick, Fort Saint John, British Columbia, kangi itolo ndeke umwene asimbe u kalata ukukugomokesya ugwe. Kangi pópe, linga ugwe kwega ulwendo lwa kufwima, yula yo nkulumba unnunu ugwakubuka nagwe.

281 Lilino ketésya. Umwene akiyobile ikyo ku bosa abafwimi bala ukubuka-nu-kwisa pa nsebwe gula, mpaka une ngusubila une nguyaga pakuya nu lukomano ulwanaloliloli akabalilo akangi aka une ngufyuka kula, itolo na babikisi, ena, ukuketa i findu fila fikuboneka itolo injila iyi ifyene fikubomba. Kila kyāli nkyinja.

282 Iki kyo kyinja iki, papapa lilino. Yula u Yeso yulayula uyu ātendike u lufingo, alinkuti, “Une ndisakukuleka ngamo ugwe pamo ukukutaga ugwe. Une nguyaga na umwe bwila, na kópe kubumalikisyo bwa kisu.” Ugwe kwitika ukuti ikyo?

283 Nu buketi bwa luko ulu, nu bwanaloli bwa luko ulu busisimikisigwe, u bwanaloli bwanaloliloli, uswe tubagile ukwipilika bulebule mu njila iyingi itolo ukukinda bo ukufwana uswe tukulonda itolo ukukilania ubuyeleko bula, ukuya banyakiligwe? Ngimba uswe tufitikisye i findu fya nkisu fitupepo i ngisi uswe, mu luko lwa njila, kuko, uswe tukuketa i findu ifinunu fiyo ifi fyanaloli, fisisimikigwe ukuya bwanaloli?

284 Lilino, aligwesa u mundu umbine muno, linga ugwe kwitikaga itolo ukuti Yuyo yulayula uyu ātendike u lufingo

lula, kangi ukwisila mu Yuyo yulayula uyu älyegile ifisilisi fila ukufuma mu ndumiana yula, u nnyambala yula, Umwene yo Kyala yulayula uyu ali papapa apa lilino. Linga une mbagile ukwega ikylene ikya ugwe, une mbagile ukubomba ikylene, loli une ngabagila ukubomba ikylene. Umwene ulile ikyo panongwa ya ugwe, kangi i kindu kyene iki ugwe ubagile ukubomba kyo kwitika ikylene.

²⁸⁵ Bule linga undumiana abagile ukugwa mu kisilisi, kangi u nkikulu unnini yula ätigi, “Lilino, ngimba i shati yili na fiki ifyakubomba?” Kila lumo kikābagile ukubomba imbombo pa nayumo uyungi. Muketile? Itolo pa mwene, nongwa yakuti ikylene kitumigwe ku mwene. Naaman äliyubike nkisoko kahano-na-kabili; loli uyungi yumo, ukwiyubika, lumo angali akamasya ubukoma bwabo. Muketile? Loli ketesya. Ikyene kyo iki Umwene ikuyoba iki kyo bwanaloli, ubwakusisimikisigwa, bwanaloli bupelelesye.

²⁸⁶ Lilino, ukwene kukuya kwilile, kópe nukukōlela u lukindi lwa lwiputo. Unko uswe—unko uswe itolo twimike ikyo pa miniti.

²⁸⁷ Unkoswe itolo twinogone. Ngimba ikyo kyo iki Kyala äfingile? Uyo abagisenie ukuya yo Mbepo Mwikemo yuyoyuyo uyu abagile ukubomba kila. Uko kutalusya? Ena, ywani abagile ukuyoba ukuti Umwene äli yo Mbepo Mwikemo? Umwene äli. “Une na Tāta Gwangu tuli Yumo.” U Mbepo Mwikemo äli yo Tāta Gwake. “Umwene isakutwalaga panja. Kila i Kindu Ikikemo iki kimmelile mu mwene kyo kya Mbepo Mwikemo.” Polele, u Mbepo Mwikemo na Kyala yo Mbepo yulayula mwene, kangi Ikyene äli yu Mwene.

²⁸⁸ Kangi ketesya isi Umwene äbombile akabalilo kako unkikulu apalamasyege unselekesye Gwake, akabalilo kako Umwene aketile panja pa kilundilo nukugamanya aminogono gabo. Ngimba i Lisyu likayoba, ukuti, “I Lisyu lya Kyala lipyasye ukukindapo ukukinda ingwebo imbyasye kubili-kosa, Unketesyi gwa minogono ni ndumbula”? Ngimba Umwene atikutendeka u lufingo, mwa Mwikemo Yohani 12, pamo Mwikemo Yohani 14:12, ukuti, “Umwene uyu ikwitika mwa Une, imbombo isi Une ngubomba isakubombaga yöpe”? Pamo, ngimba ikylene kitoligwemo siku, loli iki ikylene bo bwanaloli?

²⁸⁹ Polelo, Kyala ali apa. Umwene ali apa ukuntendeka u mundu aligwesa muno ukuya kanunu. Umwene ali apa ukuponesya u moyo untagigwe. Kangi bo une ngali ukutendeka ukukōlela kwa pa kigemo, mumo une ngwipilikila ndongosigwe ukubomba, muketile, ukutendeka ukukōlela kwa pakigemo uku, unko uswe itolo tunkolele Umwene. Balinga ba umwe mukutagaga, pamo ukuyoba, “Linga une mbagile. . .” Lumo bahesya apa, bikuyoba, “Une ngafibonamo siku kimo mwa ngomano isyo. Une—une mbilike abandu bikuyoba ukufwana ni findu ifi, loli une—une

ngakibonamo siku ikyene. Ikyene kibagile ukukasya indumbula yangu linga une mbagile ukukéta u Kuyapo kuko kwa Kristi kukwisa nkati pakati pa bandu nukubomba i kindu kilakila iki Umwene ābombile.” Ngimba ikyene kibagile ukukukasya ugwe?

²⁹⁰ Unko uswe twinamisyé imitu gyitu; i lisyu. Iliso lililyosa ligaliligwe. Lilino unko u Mbepo, uyu ikukonga i Lisyu.

²⁹¹ Lilino, Tāta, une mbombile, ikununu ukukinda fyosa iki une nkimenye, Ugwe umenye indumbula yangu. . . Mmenye ukuti abandu aba bikukubilwa pási pa bupyano ubu, kangi ukuti abene balundene muno, bimile, loli abene bāli bafinda ng’oma fiyo. Une mbagile ukwinogonela ikyene kyāli kilundilo kya luko lulalula iki kyālimile pa lusoko ilisiku lila nukukupilika Ugwe kuyoba ukufuma mu bwato. Kangi akabalilo kala Ugwe gwābabulile abene, “Tekagaga panja nkati mbusoloke kangi isyaga ulwelo ku bwendelo.” Komma ukuketa linga silipo simo pala. Isyene syāli pala.

²⁹² Kangi mumo amasyu agamaka aga ntumigwa yula āyobile, “Ntwa, uswe tulobile ikilo kyosa kangi twegile nakamo; loli palema iki, pa Lisyu Lyako uswe tukusulusyaga ulwelo pási.” Kangi akabalilo kako abene bapilikile i Lisyu Lyako, abene balinkukamata ifilundilo fya nswi, mpaka ilwelo syabo silinkwanda ukulepuka.

²⁹³ Ntwa Yeso, kisita kwilama ukuti abakikulu balekile ukusuka kwabo ulubunju ulu, abanyambala bingi balekile imigunda gyabo, ukufuma ku fibyaligwa, abalobi balekile ilwelo syabo, ukupilika i Lisyu Iya Kyala. Ntwa Yeso, linga Ugwe gwāli apa mbubumbigwe ubupalamasigwe ikilo iki, ikyene kyo kyakwilamwa fiyo ukuti abingipo balibosa ukukinda aba babungene, bābagile ukubungana. Loli abandu aba bikwitika ukuti Ugwe ukafwa mma, ukuti Ugwe gwāsyukile ukufuma ku bafwe, kangi Ugwe gubonisyé pabwelu i Lisyu Lyako nukufunga i Lisyu Lyako, i Lisyu ili une mbalile ku bene ukufuma Mmasimbo amikemo ikilo iki.

²⁹⁴ Kangi mumo u Ntwa gwitu akabalilo kamo apegigwe ili Bangeli, pamo i—i Finienga, kangi Umwene ābalile, kangi Umwene alinkwitugasya pási. Kangi Umwene ātile, “Ilisiku ili i Lisimbo ili likusisimikisigwa.”

²⁹⁵ Unko ikyene kibonekege kangi, Ntwa. Unko ikyene kiyeye kangi, ukuti i lisiku lilili ili, ikilo kikiki iki, ukuti i Lisimbo ili une mbalile libagile ukufwanikisigwaga. Kangi uswe twesa twamanyisyaga, ukukinda undungu, ukuti kila kyayaga pakuya kikindu kilakila iki kyayaga pakusisimikisya ubumalikisyo bwa kabalilo. Kangi polelo i ndumbula syitu sikusokāngapo, nhobofu.

²⁹⁶ Babagile ukuyapo bingi apa, Ntwa, aba Ugwe kuyobako kubene. Tutula uswe ikilo iki ukumanya i Lisyu Lyako, i Lisyu Lyako lisisimikigwe ukuya bo Bwanaloli. Tupaga ikyene, Tāta.

297 Kangi bo uswe twinamisye i mitu gyitu, itolo ku njila ya kumanyila, ukwikibisya nimwene ukufuma ku bulumbilili. Balinga ba umwe muno, aba naloliloli bakaya Bakristi bapapigwa-kangi? Lilino, ugwe ubagile ukubuka ku kipanga, loli ikyo kikaya iki une ngulalusya mma. Ugwe gwe...Linga ugwe ukuya Nkristi umpapigwe-kabili, loli ugwe kwitika ukuti aliko u Yeso ugwa bumi, u Mbepo Mwikemo ugwanaloliloli, kangi ugwe kulonda ukukumbukiligwa ku Mwene lilino, ngimba ugwe ubagile itolo, bo untu guligosa gwinamisigwe lilino, kangi amaso givaligwe, itolo fyusya ikiboko kyako ku Mwene, “Ntwa, ngumbukilaga une”? Kyala akusaye ugwe. Kyala akusaye ugwe, ugwe, ugwe. Kyala akusaye ugwe. Kyala akusaye ugwe. Ikyo kyo kinunu fiyo. Balipo abangi?

298 Lilino, uswe tukaya bingi fiyo mu mbalilo. Loli, ngimba umwe mumenye, ikyene kyo kisu iki kikulondesya i findu ifinywamu kangi i mbalilo inyingi? Mumo uswe twāyobile mmayolo namayolo, akene kâli kene kanini, akakimyemye akasyu aka kalinkwabile u nsololi ukwisa kunkyeni ni kisyo kikupililigwe.

299 Lilino, ugwe uli nu lwitiko mwa Kyala. Nkundwe gwangu, kalumbu gwangu, yaga nu lwitiko mwa Kyala. Kangi linga ugwitu unkulumba, unywama u Ntwa Yeso isakwisaga pápo i Lisyu ili lilambalele apa, i Lisyu Lyake Mwene, liguligwe, kangi isakusisimikisyaga kwa umwe ukuti u Mbepo Mwikemo uyu, uyu une nguyobapo, yo yo Bwanaloli! Ugwe ubagile ukuti gwali mfubanisigwe utubalilo twingi na findu fingi, loli ikyene kikubuka itolo ukunangisya ukuti buliko u Bwanaloliloli ku buyo bumo. Kangi akabalilo kako Umwene ikubomba ikyo, une ngulonda umwe mwe mwafyusisye ifiboko fyinu, ukwisa, munyage une, itolo pa kabalilo.

Lilino umwe mubagile ukufyusya imitu gyinu.

300 Ntwa Yeso, ega Ubobombelo ubu mfiboko Fyako lilino. Une ne gwambombo Gwako. Kangi ukulumbilila kosa...Itolo i Lisyu limolyene ukufuma kwa Ugwe lisakusanusyaga ukukinda fyosa ifi uswe tubagile ukuyoba nkabalilo ka bumi; itolo i Lisyu limo. Tupaga ikyene lilino, Tâta, bu une ngukibika iki, ifibuketi fila. Ugwe umenye ukuti ifyene fyo fyanaloli, Tâta. Ugwe gwe Yuyo Uyu gwâfipele ifyene. Kangi siku ifyene fikatoligwamo. Tupaga ikyene, mu Ngamu ya Yeso. Amen.

301 Lilino, ngimba bandu balinga muno, aba bakaya nago amakadi ga lwiputo, aba babine? Fyusya ifiboko fyinu, kulikosa mu nyumba, aba bakânago amakadi ga lwiputo, kangi babine. Umma ndaga. Kangi aba bali nago amakadi ga lwiputo, fyusya ikiboko kyako. Yaga ukufwana lululo. Kangi agene gafuluganikenie.

302 Lilino, ukukéta pa kilundilo, ikyakwanda, ukuya gwabwanaloli-ndumbula pankyene pa Kyala kangi pankyeni

pa...umwe. Une mmenye ukuti, une ngukéte pamwanya *apa*, ukuti abinangu bamo ba une bitugesye mu nguto *iyi* apa. Nkundwe Noel, ugwake—ugwake...kangi Kalumbu Jones, kangi Nkundwe Outlaw, u mwanundumiana gwangu, abakundwe aba *apa*, kangi Nkundwe Moore. Une ngamanya u nkundwe *uyu*, loli numbwene umwene mu ngomano, utubalilo utunandi ututasi. Une ngabagile ukutendeka ingamu ya nkundwe *uyu*, yópe, loli une nummenye umwene itolo pa kisyo. Kalumbu itolo *apa*, Kalumbu Williams. Kalumbu Sharrit itugesye pa nguto. Kubutali ukugomokela kunyuma bo bandu bamo ukufuma ku kipanga ku Jeffersonville.

³⁰³ Itugesye papapa apa yo mwinangu gwa bangu umpala ugwaiyolo, unkusi ifyinja malongo-mahano-na-mana, uyu ukufuma ku Ohio, ikikwendesya iligali ukukilania ikisu. Kangi une ngusóka panja ku Africa, kangi umwene nu nkasi gwake unganigwa bandalusisye linga abene babagile ukubuka ku Africa na une. Balinkuti, “Uswe twisa kubomba...” Ubukusi ifyinja malongo-mahano-na-mana, unkundwe gwa kiJeremani, akálimmenyemo u Ntwa. Akabalilo kako une nalumbilile ikilo kimo, umwene alinkwingila mula ni myenda gyake iminunu afwele, ukuti ósigwe. Unkusi ifyinja malongo-mahano-na-mana! Panja pa...

³⁰⁴ Une ngwitika, o, uyu yo Nkundwe Waldrop nu Kalumbu Waldrop bitugesye *pala*. Lilino, ikyo kyo kufwana fyosa ifi... kangi Nkundwe Borders. Lilino, ikyo kyo kufwana ikylene.

³⁰⁵ Lilino, une ngukólela ingamu syabo. Lilino, linga umwe mwe mumenye une bo ulo, komma ukwiputa. Muketile? Nyiputilaga une. Muketile?

³⁰⁶ Loli une ngulonda umwe mwe mukāmanya une, kangi mumenye ukuti une ngabamanya umwe, Une ngulonda umwe ukuyoba mu ndumbula yinu, “Ntwa Yeso, une mbilike iki kiyobigwepo. Une—une mbilike u ndumbilili uyu ikilo iki ikubala iki ukufuma mu li Bangeli. Une mbilike ifibuketi fila, kangi une mbilike ifwakufwana, umwe mumenye, ifya tubalilo utukindane ifi fyabonike. Ngimba uswe tuli kifuki bo ulo ku bumalikisyo, Ntwa? Ngimba uswe tuli kifuko bo ulo?”

³⁰⁷ Kumbukilaga, akabalilo ikimanyilo kila kyābombigwe ku Sodomu, akāya aka kālyokígwe, Yeso āyobilepo ukugomokela ku kyene, alinkuti, “Mumo ukwene kwayilile...” Kila kyāli kimanyilo kyabumalikisyo iki abene bālyambilile bo akaya kakāli ukonangika. Kangi Yeso āyobile ukuti ikyp kisakwandisya kangi pa kwisa kwa Mwanundumiana gwa mundu.

³⁰⁸ Lilino, umwe mumenye uko ko kutalusya, bule ikyo u... Kyala, Kyala mu mbili! Balinga bikwitika ukuti yula áli Kyala ikuyoba kwa Abraham? Ena. Ena, ili Bangeli likuyoba,

“Elohim,” polelo, ikyo—uyo yo—yo—yo Mpeli nkulumba gwa ku myanya na pási, unfwane-fwane Yula. Umwene âli.

309 Ngimba Umwene abonesyaga fiki? Umwene âli mu mbili gwa mundu, âlimile pala nukulya i nyama ya ngwata, nukunwa ulupyu ukufuma nu ng’ombe kangi polelo âbagile ukusimilila ukufuma ku buboneko. “Une ngwisa kukuyatilaga ugwe ukufwana na kabalilo kako Une nalingile kwa ugwe.” Muketile? Alinkunkoléla umwene ni ngamu yake. Kangi ni nyuma Yake yisyumbutusigwe, alinkuti, “Ali kugu Sarah?”

Alinkuti, “Umwene alinkihema kunyuma Kwako.”

Alinkuti, “Une gwisa ukukuyatila ugwe ukufwana akabalilo ka bumi.”

310 Kangi Sarah alinkuti, “Hmm, hmm,” ku nyuma kwa kihema.

311 Umwene alinkuti, “Ngimba fiki u Sarah asekile?” Kumbukilaga, i Libangeli likuti umwene âli nkihema kunyuma kwa Mwene. Alinkuti, “Ngimba fiki u Sarah asekile?”

Sarah alinkuti, “Une ngabombapo.”

Alinkuti, “Ena, ugwe ubombile.” Muketile? Uko ko kutalusya.

312 Umundu imile pala, Kyala ukwimilila Mwene mu mbili gwabundu. Yeso aayobile ikylene kikuyaga ikindu kilakila ku kwisa kwa Mwanundumiana gwa mundu: Kyala mu Kipanga Kyake, ugwe, une, ukwiyimilila Mwene. Lilino, âlipo u nkikulu unnini . . .

313 Akabalilo kako Kyala âli mwa Kristi, Umwene âli nu Mbepo mbwisusye. Umwene âli Kyala. Une ndi yumo itolo gwa babombambombo Bake, kangi ugwe itolo uli yumo gwa babombambombo Bake. Uswe tuli nu—nu Mbepo mu—mu bupime. Umwene âli nayo Umwene kisita bupime. “Mwa Umwene mwitugasyaga ubwisusye bwa Kyala-ntu mu mbili.” Mwa une mo itolo akâbupi akanini, kangi mwa ugwe kyo kyâbupi, ikya Umwene. Loli, kali akaene kanini bulebule, ikylene yo Mbepo yulayula.

314 Lilino, linga uyo yo Mbepo gwa Kyala, Ikyene kisakubombaga imbombo sya Kyala. Lilino, ugwe gwipute nukuyoba, “Ntwa Yeso, u nkikulu unnin akabalilo kamo âpalamasisyé umwenda Gwake.” Kangi uswe tukuyoba . . .

315 Ukukilania apa mu Lwitikano Ulupya, umwene âyobile mu Bahiburi, umwene alinkuti, “Umwene yo Mputi Nkulumba, uyu abagile ukupalamasigwa nu bwipilike bwa bonywa bwitu.” Balinga bamenye ikyo ukuya li Bangeli? Yoba, “Ameni.” [Ikilundilo kikuyoba, “Ameni.”—Nsimbi.] Naloli. Ena, ikyo kibagisenie ukuya kyabwanaloli.

316 Ena, linga Umwene yo yuyo mmayolo, umusyugu, na bwilanabwila, ngimba Umwene abagile ukukwamula ugwe?

Yulayula mumo Umwene ābombile mmayolo, linga Umwene yo yuyo umusyugu.

³¹⁷ Lilino, ugwe ngwiputa kangi yoba, “Gwentwa Yeso, unko ngole ikyakufwala Kyako. Kangi polelo, Ugwe umpele u Nkundwe Branham akābupi akanini, ukutukasya uswe. Kangi umwene akampanya une. (Une nitugesye kubutali kunyuma *kuno*; kangi ukukilania *kuno*; kangi pási *apa*; kangi kulikosa kuko une nitugesye...) Umwene akammwanya une, loli Ugwe umenye une. Kangi unko une numbone u Mbepo Gwako unkulumba, Ntwa. Komma ukuti une ngufimbilisigwa ukubomba ikyene, loli itolo ukwitula ukwikasya une na bangi abene, panongwa yakuti uswe tubalile i Lisyu. Unko une ngupalamasye umwenda Gwako, polelo Ugwe kuyobaga itolo ukwamula. Unko une mbombeligwege imbombo ikilo iki, Ntwa, panongwa ya ikyo. Ikyene kisakunangisyaga ikilundilo kyosa ukuti Ugwe ukāli uli mumi.” Ikyo kikuyaga kinunu linga Umwene ikubombaga ikyo?

³¹⁸ Lilino, ugwe itolo nduko lumo iputa, ugwe gwimwene, mwakimyemye. Yoba, “Ntwa, unko une mbalamasye umwenda Gwako.” Kangi une ngwilambikaga nimwene kwa Mbepo, kangi polelo u Mbepo Mwikemo alibombaga ifi fisyele. Nongwa yakuti, lilino, une njobile, mbikile ubuketi, loli une ngabagile ukubomba nakimo kangi mma lilino. Une ndi pa bumalikisyo bwa nsebwe gwangu.

³¹⁹ Une nguketesya itolo ikilundilo, ukuketa linga une... une ngufimbilisigwa ukuketa ikyene, umwe mumenye. Umwe mukupilikisya ikyo.

³²⁰ Kunyuma kwa kimama kyangu, kubutali kunyuma, ukufwana pakati pala apa nyuma, yo nkikulu ikwiputa. Umwene ali kifuki ukufwa, linga Kyala atikuntula umwene. Umwene ali na kansa, kangi u kasa uyu ali mulibele. O, umwene ali sitakukitaga ikyene!

Ndula une, O Ntwa.

Kalumbu, linga ugwe kwitikaga! O, mwe! Umwene ikubuka ukukibwinda ikyene.

Ntwa Yeso, tutula uswe, uswe tukusuma.

³²¹ Mary May. Apo umwe muli. Ngimba uswe tuli bahesya yumo ku nnine? Une ngakumanya ugwe. Ugwe ukampanya une. Ngimba iyo yo yāli mbungo, kangi fiki... ngimba kilikyosa iki kyāyobigwe kyabwanaloli? Polelo, itika. Ikyene kisakuyaga kimalike mosa. Ameni.

³²² Lilino, ukufuma ku ngisi iyi yāli pa mwene, ukwene kwēlwike. Itolo bo naloliloli bo yu ndumiana, ifisilisi filinkuya kubutali nu mwene. Kyala yulayula, Yuyo āli pamwanya pala mmatengele ga kululu, yo yulayula Kyala apa. Itolo umilisyaga ukwitika. Ameni. “Linga ugwe ubagile ukwitika!”

233 Apa Ikyene kyāli pamwanya pa nkikulu itugesye apa pankyeni pa une. Umwene alinakyo kimo kitamisye ku nyuma yake. Ikyene kyo kafupa kasopwike, mu nyuma yake. Umwene—umwene akaya gwakuno mma. Umwene ikufumila ku Montana. Ingamu yake yo Miss Stubbs. Imilila mmwanya, ambilila ububumbulusyo bwako mu Ngamu ya Yeso Kristi.

Ugwe utikufimbilisigwa ukubindikisya. Hobola.

234 Umwinitu unywamu itugesye apa, ikungeta une, ikubomba bo *ulu*. Itika. Ugwe kuyaga kanunu. Ugwe uli nu lutamio lwa ingole. Linga ugwe kwitika ikyene, Kyala isakutendekaga ugwe ukuya kanunu.

235 Unkikulu nu lutamio lwa bukikulu. Itika ikyene, kangu ugwe ubagile ukuya kanunu. Gomokela ku kāya, kangu yaga nu lwitiko mwa Kyala. Ngimba fiki une nātigi gomokelaga ku kāya? Ugwe kufimbilisigwa ukugomokela ku New Mexico, ukufika kula, Tata. na Nka. Watkins. Lilino, ugwe mumenye une ngakumanya ugwe. Amen.

236 Unkikulu papapa kunyuma kwako, ni kilonda pa kilundi, Miss Brown. Ngimba ugwe kwitikaga ukuti Kyala isakukubumbulusyaga ugwe? Ugwe kuboneka ukuya mwikyele fiyo. Lilino, ugwe umenye une ngakubonamo siku une mbumi bwangu. Pa kilundi kya kukimama. Lilino, ugwe itika ni ndumbula yosa, ugwe kuyaga kanunu.

237 Nkikula kugela ukwenda, kangu umwene ali ni mbungo ya fifundo. Iyene yikunkamata umwene, nububibi. Nka. Fairhead, ngimba ugwe kwitika ni ndumbula yako yosa, kangu ugwe kuyaga kanunu. Lilino, ugwe umenye une ngakubonamo siku mbumi bwangu. Ukuti, o...[U kalumbu ikuyoba, "...mbumbulisigwe pabutasi. Une mbumbulusigwe pabutasi, kangu une mmenye Ikyene kikumbumbulusyaga une."—Nsimbi.] Amen. Ena.

238 Ugwe kwitika ni ndumbula yako yosa lilino? Lilino, ngimba Umwene ikubomba fiki? "Umwene ikwegaga i findu ifi une mbabulile umwe, kangu isakufibonesyaga ifyene kwa ugwe. Kangu polelo Umwene isakunangisyaga umwe i findu ifi fikwisaga." Umwe mukuketa ifi une ngusanusya? Ngimba umwe mukwitika Umwene?

Lilino unko uswe twinamisye imitu gyitu kangu.

239 Lilino, umwe mwe mumenye ukuti linga umwe mukufwaga ukufuma ku bumi ubu ikilo iki, ukuti umwe kuyaga... utikuyaga...kuyaga ukindle, ugwe ukaya mbapigwe kangu. "Péne pápo u mundu apapigwege kangu, umwene akabagile nukuketa i Kitangalala." Fiki umwe mutikwisa papapa *apa*? Imilila apa kangu unko uswe tukwiputile ugwe, popápo apo, itolo ku miniti. Ngimba ugwe kwisaga papapa lilino mu Kuyapo kwa Mbepo uyu?

330 Umwe mutisakukibone kikuboneka ikikulumbapo mpaka umwe mukuketa u Kwisa kwa Ntwa. Lilino, kumbukilaga itolo. Naloliloli une mmenye iki une nguyobapo, pamo Umwene angali akapa ubutumigwa ubu. Komma ukukileka ikyene kikilianiege ugwe lilino. Ngimba ugwe uligwabwanaloli-ndumbula?

331 Ngimba ugwe kwisaga? Linga mma, polelo, pakati pa ugwe na Kyala, ikyene kilambalele. Une ngayaninongwa. Une nswepile ukufuma ku lilopa lyosa, panongwa yakuti une mbabulile umwe u Bwanaloli. Une ndumbilile kwa umwe i Lisyu. Une mbabulile umwe iki Umwene âli. Kangi Umwene, akabalilo kako Umwene isile, Umwene âsisimikisye iki Umwene âli akabalilo kala; kangi Umwene ikwitikisya une ukusisimikisya iki Umwene âli lilino. Umwene yo yuyo mumo Umwene âli lula. Ugwe kwitika ikyene?

332 Polelo, balinga aba babine aba bali muno lelo, abangi aba bali apa aba babine? Fyusya mmwanya ifiboko fyinu.

333 Lilino bika amaboko ginu pamwanya pa yumo nu mnine, kangi unko uswe twipute ulwiputo lwa lwitiko kuli umwe.

334 Lilino une ngulonda ukubalalusya umwe i kindukimo, mwakimyemye. Linga Kyala, linga Kyala abagile ukwisa nukubomba ikiswigo kila! Ikiswigo kyo kindukimo iki kikabagila ukulinganisigwa. Lilino, linga umwe mukulonda ukubalalusya balibosa ba bandu aba ukusyungutila, balalusya abene, akabalilo kalikosa ka kulikosa. Muketile? Itolo kumbukilaga, ikyene yo Kyala. Ifi apa fyo itolo mboniboni sya mwanike. Ywani—ywani, fiki ifi fikubomba ikyo? Ikyene kyo ugwe, gwimwene. Umwe mwe bâbo mwe mukubomba kila.

335 Umwe muketile, akabalilo kako unkikulu yula âpalamasîsye umwenda Gwake, Umwene âtile, “Ulwifimbilisyo lukindile ukufuma mwa Une.” Loli akabalilo kako u Tâta alinnangisye Umwene ukufwana na Lazaro, kangi Umwene âsokilepo nu kugomokela, nukunsyusya Lazaro ukufuma ku bafwe, Umwene akayobilemo siku, “ulwifimbilisyo.” Yula âli yo Kyala ikubombela imbombo ikyâbupi Kyake Mwene, kangi uyungi âli nkikulu ikubombela imbombo ikyâbupi kya Kyala.

336 Une ngaya kyâbupi kya Kyala mma. Yeso Kristi yo Kyâbupi kya Kyala. Ikyene kyo kyâbupi iki Umwene âlimbele une, ukuti une nâpapiuwe injila iyo, nu kusitakuyapo kangi ukuyapo (ukuyapo kwakwanda) palapala palikimo. Ugwe utikubuka ukugona utulo mma; ugwe itolo kuketa ikyene. U Mbepo Mwikemo ikwisa pa kusitakuyapo itolo bo Ikyene kikwisila pa kuyapo kwakwanda. Linga Ikyene kikwisa pa kisitakuyapo gwako, ugwe kuyaga ni njosi yamwambepo. Ikyene kikwisa pa gwangu, une ndinkulota mma. Une itolo nguketa pala nukukibona ikyene. Muketile? Kangi, uswe tupapigwe, ugwe ukabagila ukutendeka gwimwene kalikosa akakindane. Ugwe kupapigwa injila yila. Muketile? “Ifyâbupi

nu bukōleligwe sili panja pa kupinduka.” Ngimba kyo kiliku ikyakubomba? Ukumbonesya Yeso Kristi. Umwene yo yuyo mmayolo, umwisyugu, na bwilanabwila.

³³⁷ Na maboko ginu gāligwe pa yumo nu nnine, une ngusubila ukuti umwe mwisakubika i ndumbula yinu mbupakikisyo bwa Kyala lululu ulu, “Ntwa, londesya une. Ngimba une nisile ukuya fiyo ntalale ni findu ifya nkisu, ukuti une ngutoligwa ukuyibona isala ingulumba iyi yiyo yikwenda yikukinda?”

³³⁸ Umwe mumenye, iyo yo njila iyi ikyene bwila kiyilile. Ikyene kyabukaga itolo ukukilania i kipanga, kangu abene bakakimenyemo ikyene siku. Isyo syo syambukulu. Komma ukuyitikisya ikyene kikukindege, binangu, ukuketa i lisyu lisisimikisigwe, kabili kangu kabili, ukuketa i Lisyu lya Kyala libonesigwe, kangu bu Bundu bwa Yeso Kristi bulabula bukwise papapa muno pakati pa bandu aba nu kubomba katikati injila Umwene ābombile pabutasi.

³³⁹ Tāta Gwakumwanya, une ngwipilika lilino, Ntwa, ukuti i Lisyu Lyako lyābaligwe. Ubuketie bwāpegigwe. U Mbepo Mwikemo āsulwike pāsi nukusisikisya i Lisyu lila nu buketi. Lilino ikyene kili mmaboko ga bandu, Ntwa. Ikyene kilambalele mubupagato bwabo. Kikayako nakimo ikingi iki une mmenye ukuyoba. Kangu une ngamanya ikyokalikosa akangu Ugwe gwasimbile mu Lisyu, aka Ugwe kubombaga, panongwa yakuti Ugwe utalile ubabubumbulwisye abene. Ikyene ko itolo ukubapela abene ukwitika ikyene. Kangu Ugwe ukubomba i kindu bo iki, kangu uswe tukwilamwaga ukukindilila bulebule? Ngiba uswe tukummwitikisya bulebule u Sétano ukusisilisyu ukuyapo kwitu mpaka ndili?

³⁴⁰ Sétano, une nguyobela ububumbulusyo ubu pa bandu aba, kangu nguyoba kya ugwe, “Une ngukufimbilisya ugwe, mu Ngamu ya Ntwa Yeso Kristi, sokapo apa. Sōka panja, mu Ngamu ya Yeso Kristi, kangu baleka abandu aba babukege.”

³⁴¹ Lilino, linga ugwe kwitika Umwene, ima pa malundi gako. Ugwe kwitika? Fyuka pa malundi ginu lelo, nukumpa Kyala ulutufyo. Fyuka mmwanya kangu itika ikyene. Komma ukwilamwa ikyene kangu mma.

³⁴² Mu Ngamu ya Yeso Kristi, mwitikisya u Mbepo Mwikemo atwalege ubuhobofu, amaka, ubusyuke ku bufwe, u Bumi ku bandu aba, Ntwa.

³⁴³ Mpapo Umwene ulutufyo lilino, kangu sayaga i Ngamu Yake inyikemo. Uswe tunganile Umwene. Uswe tukuntufya Umwene. Uswe tukufyusya Umwene, unsitakufwana na yumo Yula, Ugwasypwa Yula, u Mwanundumiana gwa Kyala ugwabumi. Mu Ngamu Yake, mwambililaga Umwene. Umwene ali apa. Ameni.



MBEPO GWA BWANALOLI KYA63-0118
(Spirit Of Truth)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kihano kunamayolo, Januari 18, 1963, ku Church Of All Nations mu Phoenix, Arizona, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org